

#812.21
2734
2



4440

978785

44413


44440

44418

魏叔子詩集卷之四

五言古

寧都魏禧冰叔著



男

世侃直去編次

門人歐陽士杰遜萬較

詠史詩和李咸齋 有序

李子咸齋作詠史詩余讀而悅之書置座間以當
九九彌彌諷詠既多意有各出也

縛虎不急縛虎急必反噬始皇何許人把袖責以義

魏叔子詩集

本目 五言

一

圖窮輒搥胸銅柱安得避坵上切齊桓誤矣學曹劌

躬云十字合古今不乎齊乎抑經人乎眼

天心無專愛人道有常經趙田字其民厥後可以興

天遠人道爾聖人斥其名

夷齊死商難反以彌周貞勳不負李密豈肯負新君

毋使天下士相戒為忠臣

敗軍不可誅何以厲用命孟明不世出成功不僥倖

祿山奔唐君汾陽造唐業將將貴知人可任亦可殺

禮命不可渝武威不可讐徐無三百家將之麴歸鄴

操意不在漢當時良易辯 別 哀哉竟蚤世不獲從昭

烈

項伯何以封丁公何以戮兩賢相厄時相對生耻辱

項伯受敵賞無傷遭主誅漏言不擇人徒爾喪其軀

作意殺功臣漢高實梟首韓彭如悍馬羈勒不去手

忠誠蕭相國乃亦膺繫紐宋祖萬世法大禍消杯酒

博陸覆顯惡莽公附天書人苟恤其私智者必為愚

不學斯無術千古為歎歎

以武而視陵如人視犬豕讀其別陵詩繼繼乃如此

華夷各君臣中外仍朋友始信司馬遷上書非阿比

奔魯或奔莒分已定君臣猶天不可逃庶兄何足論

虞人死皮冠雙僮死敗軍自經莫之知語疑非聖人

遠貌不察形遠音不聞舒六經多謬誤闕疑慎其餘

孔子賢伯玉後世誤遺書乃至出近關奉以明哲譽

豫難必先逃羣誦召忽愚

五伯耻宋襄四君羞黃歇信陵真公子乃與三君列

三國尚智力囂然如朝市賢者必過之風教成虛敝

竹林五六子心狂小天地傾身以殉名放僻無不至

矯矯山巨源果足超流輩中散寡識人薦之何所為

魏叔子詩集

卷四 五言古

二

音權語使近淺備吟舌

奇權語使近淺備吟舌

奇權語使近淺備吟舌

奇權語使近淺備吟舌

奇權語使近淺備吟舌

奇權語使近淺備吟舌

奇權語使近淺備吟舌

奇權語使近淺備吟舌

平生號知人置官如置器惜哉此動舉猶墮名士氣

妙在賢字生出白字

賢愚走勢利隱民自高跡人皆矜明哲衰世誰與易

四語可天地並立日月並照如此出處始有著落

處者表風規出者懷匡植縱或殺其身亦各成其直

陸生攸君親卑鄙非所惜

伯約遺帝書征東斥長史機事乃不密誣竟以此死

困迫計臣吳忠義何有爾麾下斬不降振施力如此

此樂不思蜀此人豈自我願忍數日辱斯言何爲哉

猛虎閉屋中豈得久無變猶豫而譁誅安坐待邱建

人惟繫臣妾所以遺君社若復職橐籥降議胡爲者

魏叔子詩集

卷四 五言

三

崔立送兩宮譙周猶其亞

子路死臺下稽紹死車側死未爲不義其失在初服

若使紹且奔忠孝兩無得

昭烈抱雄畧樓棲不得息自遇隆中人進退鮮所惑

何處得此妙論危極止極

伐吳不偕行永安崩有日始信魚失水死生在頃刻

自古大聖人身皆建奇蹟各各不雷同名與天地立

千古聖人中尚虛此一

曹瞞營四方郭李非所匹挈器還漢家伊周遜其德

席惜無坐此

惜哉李天下不從老奴策

隱當爲太公不當爲伯夷擇地釣渭水乃爲西伯師

德公處襄陽諸葛僑隆中既當都會地亦多豪傑從

爲洪源中八道

但使處孤僻時務安得通

附咸齋詩

荆卿遊酒人獨與漸離親汲汲燕太子造次圖強秦所期竟不待手搏空紛紜軻死漸離誅忽得滄海君紛紛搗竿起囚之資聖人

趙盾弑其君春秋誅隱獄何以得嬰白爲之植遺腹韓厥工彌縫七世食其福田氏終爲齊天道恆

不足

智允叩馬諫豫讓伏橋刺明明殺我人各各許以義嚴遂報私怨聶政墮其計犧牛被文繡彈耳就死地

敗將有奇功曹劌反侵地晉釋荀林父秦生孟明視子玉未就刑重耳寧敢喜惜哉李將軍受裁刀

筆吏

國士死知己所爲良獨難田疇爲幽州誓老徐無

魏叔子詩集

卷四 五言古

四

山袁氏滅君仇迺不與其間盧龍曾一出流涕辭侯還此意誰復窺千載長漫漫

項伯何爲者反來翼沛公處仇用心腹當眼蔽重唾哀爾曹無傷不及膺楚封

漢家有三傑二虎而一龍虎旣遭急縛龍乃遊赤松相國善爲蛇委蛇陸準公黥彭真走狗免死固

當烹嗟哉霍子孟史冊何煌煌身死猶未冷家門忽羅殃所以管大夫垂戒在同牀

陵乃廣之孫武則建之子武能蓋父愆陵徒增祖耻華夷各君臣中外仍朋友至今百世下尚亦稱

蘇李

小曰與子糾君兄而臣弟死者固成仁相之亦從義王魏果何人口實貽後世

好客成風尚徒爲豪舉資三君門下士勢利半狂馳吾愛魏公子與士真相知香齊遲一見自到如

斷壑不畏秦王怒而慚公子疑祇今大梁道過客拜其祠

中散好箕踞委身如蟬蛻向秀註南華六經不置

喙劉伶有酒癖禮法多違背司徒握牙籌實爲貪
鄙最步兵執母喪放誕敢沉醉其流殆阿咸重服

追姑婢矯矯山巨源真足超流輩

金張貴七葉未曾到於今逸矣鹿門侶誰得嗣徽

音吾愛宗少文撫琴動山水吾愛向子平論易知

生死陸通悲聖人巖光狎天子

韓康曾販藥梁鴻曾牧豕西蜀嚴君平賣卜成都

市所業豈不卑免爲世所指陸生入洛陽栩栩矜

名士作督建高牙受制于鼠子

因叵以圖存壯哉伯約志天運若祚漢未必非奇

計馬謖敗街亭徒足亂人意不負丞相知參軍真

國士

譙周建降議而不詰京都後主東遷洛子然誰與

徒單身執羈勒卻正爲甯俞哀哉懷與愍猶有待

穹廬

兄弟各君臣藉藉在人口龍虎歸對吳香亦未云

狗淮南建義聲麾下共相保殺盡未肯降田橫在

海島

魏叔子詩集

卷四 五言古

王

王哀諸葛親終身謝組纓不肯西向坐乃以報所
生紹亦康之子初服忽中更何以蕩陰敗至今傳
其名

孟德與仲謀皆能馭國士文若則凶終伯言亦憤

死因思蜀君臣獨得稱魚水

曹馬輔幼主未爲不遭逢惜哉伊周業甘以篡奪

終晉室僅二世魏反多兩公欺人孤與寡天道豈

爾容

漢室將傾圮哲人盡潛藏斯時無管樂何以謝高

光卓哉龐德公造就誠有方從子冠南州牀下拜

武鄉扶漢旣有人翻然可翱翔

金壇王習之持易極擬言過訪因出瑞金鍾穀

城司理死難傳詩見示有作御寄合子才甲

有客上翠微曰來自綿水手持易極言口稱死義士

義士誰姓鍾才甲則其子其時當

其官維司李

贛州丙戌中長江驅

驍騎屯水南連營如列齒

杖策從姚公請當龜角尾轉餉不肯行效死誓無悔
作書與才甲但言葬母耳敵從南門登公鬪樓下死
士民數百萬一朝如斷壘卓哉楊與萬義烈下多有
王君湖海人其言固足紀

宿余小令漢閣大水令兄嗣公竈不滅者半磚

親持酒菜見餉

遠水夾西村古樹帶長薄登高望山雨竟日自天落

魏叔子詩集

卷四 五言古

六

聲從東北來勢直穿高閣侵晨開閣門兩溪漲已合
山脚幾人家洶洶崩屋角大哉神禹功何以施疏鑿
須臾嗣公來蓬頭雙赤脚左手挈酒鉶右手持魚臠
笑云得毋飢二公爲我酌飯罷水微消前山大雨作

同林夏叔江氏草亭秋海棠蘭花並開與會而

作

綽約秋海棠佳人貞未字青青秋蘭花可以想君子
我欲結相於千載誰得似

過鄧侍御東園見楊大洪先生板題大隱堂感

而有作簡侍御公孫 楊公弼門人

東園有高樓勢欲參碧落其下臨廣池倒影如飛雀
仰首見板題乃是揚公作歛容致齋肅栗然心不樂
主人邀我遊已復進清酌菡萏秋始花紫薇夏已灼
萬類自相榮遲速各有托園中更何有雙橋架短壑
大樓起中央小樓峙兩角堂房悉高敞溽暑無炎煽
誠哉隆萬時經營不輕薄揚公令門生筆勢亦河嶽
不知此園中曾否爲嘉客

酬黃元士

魏叔子詩集

卷四 五言古

七

孔翠耀毛羽蘭蕙保幽香學士愛文藻物情矜所長
天地貴適用不以遺衆芳誦君天都賦遺響何琅琅
我從問奇字迺知心慨慷昔欲獻天門猛狗噬其旁
愛君池上屋臨水啓東窗疎柳拂我門涼風吹我裳
濯手解細帙還復傾玉箱世士好狂馳古道久淪喪
青蛙友蒼蠅齊聲奏宮商出君平生書授我意丹青
哀蟬知書短寒蛩知夜長粲粲庭中花不如麻與桑
纂纂樹上棗不如黍與梁操井養姑舅豈必姬與姜
明月出東隅努力被餘光

南豐曾法南六十初度覽其族子若顯紀事惕

然有賦

人生何者難難者惟女色老死不肯休況在少壯日
南豐有曾君於今年六十前此二十年授徒僑我邑
罌粥佐鄰歛餓夫謀報德少婦奉脰脩昏夜歎扉入
聞聲識其人閉戶拒不納後此三年間丁亥大亂作
辟兵黃沙村山谷各竄伏夜半聞呼號三女困荆棘
是皆鄰家婦其二色殊特君乃手援之取次出險阨
四人坐空山朗朗星月白惟君惘流離舉念無邪忒
魏叔子詩集

卷四 五言古

八

天明各自去歸與丈夫述我生多欲人反覆不得息
鑿空結妄想能使冶容出天幸無此遇能否保其卒
會君卓絕行願以終身服

再過赤溪呈鄧元白

躬云起五字極深至非解人不領不獨開手便了

相見意不已不寐竟達旦振衣出南郭露草淒以曼

題面

輕烟幕乎林村村鷄犬散初日多好光主人適朝飯

忽然發話妙

人生不知心何用更謀面我生十一歲竊希范張傳

素心六七人異姓而同幹涂氏賢父子君之舊友善

語我與林子奇才不易見天下昔無君黎陽初構亂

城虎不擇肉黨惡以千萬君督南鄉兵機密發不緩
黎明駐南郊羣凶寢方燕踉蹌出門闕前死後者竄
一日殺千人萬家獲安奠死者骨肉親至今不敢怨
鄉兵驕成功虎虜爲患君更用市人疾若摧枯蔓
用人人不疑殺人人不叛事已身不與超然如飛翰
前日同涂林訪君讀書院路經校射塲指是君所踐
懷哉李太白風月此遺墀赤溪宋李觀讀書處有風
月亭遺址環溪樹桃近爲
水壩昔讀袁州碑高文垂孔殿字字關人倫儒術尊
已盡不賤夾溪千樹桃白沙空斷岸憐君多白須喜君老

魏叔子詩集

卷四 五言古

九

尚健

邦士云是絕好杜詩然序我耳目間事一一精神
道我胸中情意一一纏綿何必不作杜詩看亦何
必卽作杜詩看

擬古酬林菴

明明屋上月曖曖天中雲飄飄涼風吹悠悠行人
薄言遊黎陽感君心殷勤賤子如敗葉君心如衝風
吹颺上雲際不使離埃塵灼灼雄黃盃粲粲菖蒲米
窈窕麻姑山上有靈泉水爲酒何芳烈服者顏色美
寄我雙鯉魚中書綠珠里恨無一斛珠蹇脩難爲理

早發梅溪寓程山堂呈謝秋水先生兼簡甘健

齋

冷風起曠野山雨四面急筍輿無帟帷沾濕寒生粟
橫流望闌閣居然見鄉邑晤君甘子廬館我程山室
我客如歸家君家如作客甘子與君友十年稱莫逆
自信良不如退執弟子職憶昔六年間徒步來赤石
問君誰者才甘子洵其一隨事得整暇造次能不易
如君果何人而使甘子服山池對西亭竹竿何歷歷
我時憇亭中欣然如有得

魏叔子詩集

卷四 五言古

十

止山云一語不寫謝君只極寫甘子最善立言未
結悠然言表有曲終人不見江上數峰青之致

梟鳴

朝聞靈鵲噪夜聞鴟梟鳴吉凶兆雜至一耳安所憑

朔庵云

鴟梟鳴左岡鵲噪我前楹遠近旣殊勢吉者庶有徵

以一知字爲次首章法

相欲知此事龜策莫能應

玄蟻知天雨野鸛鳴其坂乾鵲知天風童子探其卵

君子貴未然過計得其反噫彼烏賊智安知適貽患

了不相顧中麻理最妙

冬日朝晴和整冠立前庭仰見太陽山直上合青冥

家人呼我食雙箸進薯羹忻然愛一飽自顧無餘情

賣薪行 三行俱辛丑作

采薪南山隅賣薪城東門下有三歲兒上有垂白親

弟云只說兒妙

穉兒夜啼飢天明負薪行持錢逢里正縛我詣官庭

跪白此鄉夫身當送王兵官府畏我走驅我入獄門

持錢而忍飢則此錢為里

同伴數百十不逢一親隣忍飢之餘食暫得延殘生

正奪去久矣不著筆處自佳

擇日下州府隨伴及長征前捶黃布旗上書某鄉民

忽及母妙

五十為一隊隊隊有總轄我念家中母欲逃不得脫

三驅字妙直如猪羊之入屠肆 閒寫處真妙上

驅我入軍門大旗耀雲日乍見北邊馬送迓過其側

三毛

陸行荷重擔水行牽大船水深風不順力盡船不前

魏叔子詩集

卷四 五言古

十一

解纜暫登舟拔刀斫我肩或遇浮沙潭并命沒黃泉

五字慘絕

躬云慘苦

更驅次班下努力各爭先舍舟度峻嶺日酷如火煎

已極轉說向路傷死人莫得知其鄉里不一語及

路逢嗚死人身僵口微蠕竟作路傍鬼仰臥當青天

自身最妙難堪

安得知鄉里一為此人傳

孤女行

躬云只五字便不堪讀

官街有孤女獨向街中泣髮短不及眉身長纜二尺

雙手抱竹筐顛仆還起立借問此何為阿母不得食

前者阿父死阿兄逃深谷官吏大索適合并婦女錄

五木交十指骨見不遺肉孤女親操鉢一日兩入獄

龍蛇畫梁頭雕刻及柱足膏田一萬頃文錢十千斛

傷哉真娉婷固園多貴族

孤兒

野云起興好

野鷗朝暮噪集我田中飛行行啄餘粟田空鷗苦飢

五字與官街有孤女同妙

孤兒承里正獨夜歸山即鄰里相勞問嗚咽不能辭

家無壯兄弟賦役安所支公稅數加派私費十倍之

昨日符牒下有官自北來逋欠及錙銖執縛詣京畿

魏叔子詩集

卷四 五言古

士

更復急徵調出師還入師千里輸草束萬夫候過騎

交衢鐵械鳴皂衣東西馳粥墓發先骨何況子與妻

寫出死活不得情狀勝于見流民圖

一身但得活愁苦無終期行欲死溝瀆禍恐連親知

辛丑仲冬過瑞金聖恩寺懷季弟在瓊州

瓊山海之中水陸五千里黑風吹白浪中有獨游子

一去十九月絕不念鄉里男子在四方豈必老田畝

讀汝路中詩風土惡如此仲冬霜露寒問醫來綿水

汝昔曾病時三月寓斯寺主人陪我行青苔緣階屐

黃雀噪佛龕蒼鼠跳靈几問汝游臥處一一為我指

出門正落日悵然返西市

贛江呈伯兄

流水滿春江輕舟泛叢石崩岸十八灘水立如雪白
我伯虎頭城燕冀行有日一月三寄書念我成飢怒
時令求濕薪衣冠事督責瓣髮被紅纓禿領學時服
在昔癸巳春兄伴潮陽客父母僑雩水兩弟送嶺北
十年今再來念之心悽惻片颿下金陵鍾山還鬱鬱
采石尚潮聲先登想遺續自此踰河淮多古賢聖跡
曲阜當孔道遷路尚三百行李旣因人瞻拜恐不獲
猶勝我闕觀荏苒垂四十

經雩都故寓處

買舟省伯子道經雩陽城十年曾僑家今一造其庭
故蘚生東堦新燕巢西楹我寓東小樓左折右而登
石榴花最高拂我樓上櫺艾母居中室咳唾時聞聲
思欲履房戶愀然見生平主人適他出愴悵不能行
勺庭示諸生雜得十二首

顏子生而天盜躋生而壽豈以膾人肝故令視獨久

凶貪並日月身處名不朽爲德不福先當亦非禍首
辟如適河北十人相於行下有不測水其上徒枉成
涉水九人處徒枉九人生

瞽人入坎窞援之出乎康棘刺當孔道揮之行路傍
舉手非爲勞舉口能爲良大言遺珠玉小言效糝糠
天地待彌縫豈必聖與王

辟如張大庖解牛執其豕鵬鳧與露鷄易牙味其旨
我能非佐饗燎薪供其火詔朝勞食監火人與其禮
聞有野狐走狡兔爲墮淚人身本同形何忍爲俎膾
魏叔子詩集 卷四 五言古 十四
私智蔽其心一體爲異類兄弟同腹人愚者爲讐對
辟如人一身足癢手搔弄忽爾中風痺剗刃不知痛
豈得謂此肢不與我身共

天地發殺機萬物行相避空庭梧葉落愀然知秋至
梧葉未凋隕萌芽隱已茁乃知天地心有生而無殺
高行環庭中小池纔十尺樹高鳥自飛池深魚自擲
嚴霜無強葉松栢特青亭周庭多雜木深冬如春榮
瑣細不相識但知天所生物各抱真性豈希松栢名

確齋云古今忠臣志士知名於世者皆松栢也其
無位無名抱道守節老死窮僻之鄉者何限其或

赴難急公遠如文信國近如楊文正諸人相從而
死不知姓名者又不可數矣彼天植至性正如璞
細之木力敵雪霜豈有松栢之名在其意中哉
此詩顯微闡幽廉頑立懦直足補古今國史之憾

辟如厭膏梁忽思御藜藿車馬何喧闐緩步生寥廓
當暑進狐白人乃棄不著始知人生歡適志爲真樂
方春桃花開四面花灼灼山庭著其中風吹花亂落
高花積屋瓦低枝入簾幕寒山自有春無爲嘆寂寞
日出太陽山照我東北窗章印八尺臺月出先我光
庭後有高竹直上凌烟霜庭前有荷花盛暑浮清香

寄溫聞衣

魏叔子詩集

卷四 五言古

十一

空山種寒松十年不出戶只此旬月中兩過虔州路
我行登匡廬五老峰頭住長波明遠空雲物變朝莫
湖洞望鬱孤伊人在何處

鬱孤臺在贛城
中王文成所築

同彭躬菴南下躬菴以賣茶登路悵然成詩

夏日何炎炎君行之何處舟居多熱風猶復勝行路
丈夫持素手出門無安步共君浹夜寢灘聲在高樹
夜涼星微光高談發幽素河水澹澹流估船隱隱渡
鳴雞不可聞披衣待晨露

贈宋未有

居匡山下白石村

水激不委蛇山銳不陵遲行高德不厚樹大草不肥
皎彼白石村匡湖表裏之秋霜殞廣野春日翼高枝
穆穆良時運貞元互爲師百草愛春日安知秋所爲
髻山送別吳稽田歸金輪峰

北風向南來橫吹烏柏樹衆鳥迷其巢倒飛不得住
於時有畸人息影卧寒素前日聞我來力疾下山路
勁鷹辭垂枝猛虎無安步懷安千古情高枕待羲馭
我從山下行君向雲中去六年草土中天涯爲庭戶

邵伯康

魏太子詩集

卷四 五言古

六

淮流浮於地高者二丈餘下水注南畝坂田獲新稔
會當秋水壯瀾漫如具區東村猶漑田西村蕩爲魚
雞狗波中鳴婦穉水上居襁負無所往忍歔就饜蘇
始知萬物理利害動相俱束地勢卑下築堰防不虞
西高與河齊直之不復慮古人譬鐵室願君戒所無
甓社湖書懷寄沈仲連先生

閉戶十九年發棹三千里問君何所行言尋沈夫子
迢遞瞻故京蒼茫望新壘蕭條蘆荻洲但覺悲風起
晝經黃天蕩雲黑如敗葦白浪負舟立跳蕩入船裏

往事良可懷安復知險熾淮水何湯湯揚舲遡江汜
轉輸百萬斛安流謝溟海秦城與隋河殺人比蝨蟻
滅宗利後世誕復稱其義西風吹船頭木葉紛如駛
僕夫報入湖極目見天水

守死詩贈天寧巨公

公名濟恆
號巨渤

公在庚寅春維揚大凶歲諸方各轉徙高殿恆晝晦
山廚絕赤米食以糠覈代門下數百人忍死不暫退
堅臥五六年始得飽麤糲己亥颶風作千里同糜沸
郊關百萬家炊若金隄濱惟公靜如山普告諸門內
魏叔子詩集

卷四 五言古

十七

那見怕死人尚能修定慧恭承老人囑臨難乃敢背
我時聞此言歎息復嗚咽公若守封疆必著睢陽烈
公若爲近臣必濺蕩陰血小儒好衣書談理如百舌
不肯拔一毛坐擲金甌缺遂令天下人賢愚賤儒術
惜哉公出世所急在成佛

洋子舟中夢作豆腐乾頌謂賢于東坡之頌豬
肉也大笑醒得首四句

屑豆而成築製之爲方脯易簡物所資旅食謝甌釜

贈別靜菴

二月荷擔來三月荷擔行春雨四十日深泥沒行膝
下擔整衣拜桃花開滿庭真意不敢讓齒我使爲兄
竊讀張陳傳太息三拊膺嫌疑苟不釋一節喪生平
與汝旣結友辟如月與星萬古不相失長夜爲光明
解攜羞到氏執言薄尾生先哲戒可復用之當齊盟
寒江 江南尋顧龍川舊寓處喜值

憶昔黎川寺邂逅與君晤脫衣臥殿角抵掌談世務
仲秋負笈歸送我西橋去野草露未晞初日照江樹
行人隔秋山獨立猶延佇愛君重古義詢君游跡處
魏叔子詩集 卷四 五言古 十一

宿薛顒若醫室留柬

秦郵揚帆下半年日到廣陵人生逢時運疾如初日升
主人何處去藥裹紛空庭命僕具湯沐薄粥須臾成
明月出屋角照此西南亭離離階下草枝葉相爲青
登榻開君被熟眠忘鷄鳴待君來早食不來懷刺行
海寧陸冰修訪予西湖賦小詞有天外處南翠

微縹緲之句予因出羅生所圖翠微峰扇贈

之翠微去金精洞百十丈視若培婁此圖勢
乃連綴然於山形得十六七并繫之詩

我有一片石終古無主客日月相推盪風雲自超特
君來何所聞揖我湖上宅熏風日夜吹湖水光仄仄
愛汝抱奇姿顧盼生羽翼金精雲氣多往路不可得
真形入君袖山靈當汝識

湖上寄謝德水兼柬程山同學

昔來程山時坐我竹林側朝日明青林暮烟散蒼壁
交手讀新詩齒牙生清歷今春尺素書寄我長相憶

魏叔子詩集

卷四 五言古

一九

舍卒乏報章懷之當面覲湖上風光好日日來枕席
開窗延南屏鐘聲動澄碧秋草滿斜陽故宮不可識
迴首岳王墳南枝何鬱鬱傷哉南渡人歷年猶二百
奇語程山中近來何所得

吳門酬蔡生兼寄勺庭諸弟子

下幃憶舊游出門歡新友蔡生當世士蘊藉如春酒
寄我詩一篇頗似古十九勺庭二三子文質各有取
山中長可娛所悲在戶牖金閭一里中袁費足交厚
晨興相過從論史及申酉路經專諸巷斯人歟已矣

所貴但輕俠遺名今不朽可憐章句中誤人每白首
欲尋疋練光吳門竟何有與子上泰山不知更見否
袁名徵字公白
費名誓字所中

贈靈岩老人

師名宏儲
號繼起

回回多怨聲非絲亦非桐
澗漾具區水翠嶽靈岩峯
莊誦報慈圖懷師如春風
亦如秋嚴霜殺者盡蒿蓬
天界有丈人遺像拜空堂
愚蒼老比邱晨夕時過從
庶幾契師道車車與鐘鐘
頗怪出世者勤渠踰夏農
獨往阮生哭羣居子伯恫
乃知世無人越俎煩老翁
魏叔子詩集

卷四 五言古

三

聞有泥犁人辭費於蠛蠓
如人惡日月仰面唾空中
師但凌虛超俯見萬山空

申園雜興

有序

癸卯七月余自西陵反於吳門
因友人寓張氏南
亭花石雜植古木交蔭牆外
客心甚暢主人云此
申文定公園石榴亭也亭前後
根株盡矣觸目有

詩

逃者走東徧逐者亦東走
四足齊一向逃逐於何有
申園有南亭亭中有微軀
二目與一鼻見者夫何如

隣園多嘉樹垂蔭及前墀人生貴寓目何必身有之

百鳥羣飛翔啁啾如流澌聽之良同聲中當各有思

去年游淮陰門外揖漂母王孫長賤貧持竿食無所

當厄應有人一飯何足數千金獨酬斯感恩良有取

有友游吳門二年還作客今我來此鄉我友復他適

昨聞老僧言頗多風塵色白日憂汝飢昨夜夢汝亡

長號墮高枕涼月已蒼蒼念彭躬菴也

披帷下牀戶起步庭前月細碎秋蟲聲四壁何嗚咽

忽然如

念我閨中婦獨身抱貞疾涼風搖空堂繁星明林樾

魏叔二詩集

草法妙

而我亦何為仰天歎愁絕

卷四 五言古

三

脩齡曾索食彥龍亦駐箸古人妙襟期衣食非無故

男子行樹蘭洵美而不芳穆生識醴酒後矣其翔翔

抱子貴擇母徘徊非一事聞人勸我游佩之蘭與芷

安東獵汝南休雨婚李氏廣陵與吳趨豈不懷彼美

自分非貴人那能感女子

新秋日尚烈蟬聲高樹巔感我十年心淚下欲潛然

勺庭千尺峰梧柳含空烟先子樂清聽所恨無鳴蟬

姁媪命樵僕一枚三十錢三年無所有奄忽辭人間

時存經喪亂近郊
林木翦伐殆盡

百步察秋毫不能見其眉先民亦有言人苦不自知

我有青銅鏡出入文竹筍欲識羈旅色浣濯持照之

故山日以遠良友方何期照面何足貴請君毋長持

懷夢堂
諸子

平泉美木石丁寧勅子孫四時有更謝一家能久存

人壽非金石飄忽如秋雲所貴樹勲德身歿為傳人

王侯第宅中庶姓已多門

合節屆朱明石榴花正榮遙想環亭時灼如縣火蒸

魏叔子詩集 卷四 五言古 三

犀箸紛陸離玉盤羅奇珍自非珠履客欲入徒逡巡

鳳皇貴見希鴻鵠在高舉處堂而爭食斂之亦其所

西山有高樹結巢盤太古有人卜巫陽覽蕙行招汝

前日僑西陵高枕得湖山今日僑吳門如在邱壑間

夏簟足夜眠冬春是朝餐飲食既得所人生復何患

忽念燕與粵太息行路難

有弟客東粵有兄客燕京車馬何楸楝如影待人行

河水發崑崙源白流亦清渠并日以廣千里無留停

酌水既一斗為泥已三升

論以作全篇之結尤妙

妙

弟云此詩有阮有陳有孟而自成一章章法斷續
隱躍如馬跡蛛絲最可玩味
正山云名言妙論絡繹奔赴正如千岩競秀萬壑
爭流

彭中叔四十有一詩以贈之

與汝同年生我長十二月直以弟畜之事我儼天秩
行坐必肩隨杖履親提挈憶汝少年時和同寡分別
相見只寒溫班坐但怡悅庚寅縣城破免死嬰金鐵
兵人茭舍居積雨如泥穴間來勞問汝蓬首蹲樞質
屍氣雜馬通薰蒸作煩熱汝顏充有餘若不知縲縶
又復逾二年尊公被媒孽汝乃日啼號狂走廢飲啜
魏叔子詩集

卷四 五言古

三

三蠟夜泱談月落燭更滅怛然感予心合作求友說
對汝恬淡姿反覺我爲拙聖人做見惡行恐終焉絕
弱冠幾何時乃共親斯日

乙巳正月雪中送門人熊頤歸清江

獨立空山中雨雪四面集臘月當早春乘時事藝植
秋霜桂始榮冬雪梅能敵桃李多春花夏實亦可食
晨興課童奴亭午未曾息北風吹面來雪雲兼黃黑
兩足齊木彊近火乃戰栗熾炭坐未溫叩門聲何急
天寒飛鳥絕萬里無人跡安得異鄉音問我雲中宅

開門立偉人，翩躚儼時服。熟視爲熊生，神采何烏奕。
熊生年十四，洵洵摧天極。杜戶窮僻鄉，足不踰咫尺。
我寓通慧寺，招爾出相覲。椎髻髻高冠，長揖衣縫掖。
廿年貞不字，聞者懦夫立。日曾涉風波，戚友垂滄泣。
謂汝七尺軀，何苦甘斧鑕。爾聞莫爲動，夷然若不屑。
感我一二言，遽許事改易。及今欵我廬，造次若未識。
古人善守歿，出處無少忒。士各有當爲，此如一蟬翼。
熊生悟斯旨，徒義如轉石。千里造勾庭，歲除不皇恤。
讀我撰述篇，手抄日不給。退然就弟子，問難連深夕。

魏叔子詩集

卷四 五言古

三

愧我非人師，逡巡辟間席。唯汝日謙誠，中心無假貸。
爰于獻歲朝，升堂行拜伏。初日出高林，山庭生烜赫。
元冠垂二板，赤簡聯六幅。諸生班前楹，一詩贊西壁。
擯以彭先生，情至禮無斃。余乃東向立，愛之如拱璧。
慨自師道衰，梓匠莫能匹。名士尊文章，六經資羽翼。
虛言無實事，僞學亂心術。相教以優伶，相誦以鬼蜮。
不識忠與孝，二字爲何物。梧鼠夸五技，狡兔矜三窟。
至尊等敝屣，棄置本無惜。醞釀造大禍，馴致於今日。
父子有秦越，朋友無膠漆。萬國盡夜行，捫土而冥索。

天地多憾所吾黨焉辭責卯友易堂中程山與白石
齒各逾疆艾壯心恐泪沒用光貴得薪萬古火不熄
庶幾英少人年力方日富嗟汝實才多小成非所溺
宇宙亦大矣仔肩何時釋一羽未曾試莫言拔山力
智勇不深沉機發還自賊汝行苦離羣龜勉慎顛仆
送爾下山路雨雪紛如摘天心愛勁草苦寒鍊松栢
往游吳門愛費所中詩抄入行篋偶取讀之不
覺失聲大呼遙寄一首兼呈袁公白

匣中無寶劍每怪生光輝發篋簡殘篇中有費生詩

魏父子詩集

卷四 五言古

三五

一讀磔蝟毛再讀投接罹拍案叫奇絕仰天垂涕淚
費生館鐵冶門巷帶長溪非久時過從抵足聞鳴鷄
頗怪此胸中能爲句讀師有友袁公白經術能識時
行年逾六十此心終不違我近講時務撰述多篇題
費生頗厭此安得析所疑

乙巳清明日懷伯兄季弟因寄示諸子世傑

昨夜聞清明晨興事盥簪整冠南向拜起立心如結
大宗數百人是日咸廟集三獻奉先祖曾元畢飲饌
我昔歲一來家人講契濶今年客黎陽兄弟況遠別

我季之山東孔陵特展謁我兄冀北游動經四月
黎陽美土風少長走墓闕摩鍊芟宿草擊楫薦芬餼
念彼羈旅人能無感時節還書戒兄子先隴曾掃不
春秋勿愆期晨昏禮無缺家政曠無人汝長應提挈
邱邦士云真意結絡便是古意結絡此二雅之遺
也不可多得

苦旱別蔡闇伯歸吳門兼柬令弟九霞

赤日壓高屋蒸如坐甑中頗聞江南北千里苦蘊隆
水旱盜所資三歎對朝饗念君羈旅人何以渡長江
昔讀先公傳得之張南豐乘桴泝江水據膝寫雙忠

魏叔子詩集

卷四 五言古

五

悲風四面來白浪濺左肱公錄西江七帖括非所庸
先子尚實踐師儒疏特崇前年游吳門願一拜公堂
于時風聲惡高門悉晝扁好音不惠來我亦歸西峯
致語九霞兄聞名如考鐘著書高幾尺爲學誰者宗
廿一史中人孰拙孰復工陸行慎虎兇水行戒蛟龍
答菊 二首 和涂宜振

爾本同衆卉以我特知名我已謝人間爾猶保餘榮
籬下逸難遇續紛在華庭內房羅寵女續髮耀鴉翎
晨梳供采桐雙鬢橫新英潔身充近玩委藉何縱橫

却謂周茂叔猶以隱逸稱

菊答

我本自爲芳清心來衆賞不作却聘書高名自標榜
一任朱門游終焉蓬戶想睇彼隱君子熱中勞俯仰
朝往青雲下暮躡華堂上翩然意氣增春溫變秋爽
俯念此微生榮落任天壤雖然草木姿竊用資生養
枕之雙目明服之年壽長看君出北山名實何啻莽
躬菴云二首都從好處看出世法逢迎最是取肺
肝手

乙巳十月門人賴韋負笈黎川值三十初度作

魏叔子詩集

卷四 五言古

三七

此貽之

勺庭四五生負笈來黎水秋風次第歸後者今吾子
天寒霜氣多叢菊何采采昔我尚師嚴水莊黍臯比
汝來乃逡巡一見不他徙同學二十人獨能結良友
我行解生徒高臥空山裏汝亦棄帖括抗心希貞士
謝汝姍姍親去汝輪奐美草屋依寒山晝夜同作止
相汝柔懦姿智勇乃如此我有青青竹生汝門之右
我有桃李花羅汝庭之址我有韜中刀空牀徒倚徒
欲以貽及門徘徊誰者是過此只十年汝便當強仕

努力學古人如我不足似

游仙詩

偶與兒輩談平字詩體因隨筆作此示之

仙人凌高空雲霞爲衣裳天風垂虹霓文章參元黃
翩然來塵埃山川迴輝光靈芝紛幽遐甘泉滄荒唐
江淮如平津嵩衡齊阿邱披襟搔長纓寰中時周流
佳辰扳瑤花同心歡相謀延年無圭刀陰陽滋春秋
桃林明紅條蘭臺開清枝扶桑榮東軒菖蒲新西池
喬松三千尋根柯交虬螭其間形飛禽篝燈親逢斯
消皮安存毛抽薪奚藏烟真精遺虛房浮身安能全

魏叔子詩集

卷四 五言古

五

雌雄非孤居淫奢乖初元庭前雙姝偕蘇秦難通言
鑪陶鎔剛金焚叢堅泥洿情軀紛剪蔡危於游鬻魚
觀生嗟朝菌超翔奔驄駒何當辭琴囂方壺聊舒徐
煩音無希聲醇醪辭匏尊鳴球簫笙鏞鏗鏘誼侯門
磻溪龐眉翁持竿兼操綸肌膚澄寒冰悲吟咸波臣
盲夫詳纏藍葦民聽商宮沈淵羅鷹鷂緣岡搜鼉龍
耕禾圖收麻種秫還求樅違經從邪言織毫難稱功
蟻螂甜膾九貪氓駟癡蒙顏含深羞哇牛酬妻兒
神覓奄超亾狂瀾揚湯麋幽潛愁無聊枯骸覩荆藜

新城道上

衣製行雨中終焉不若瓦卒歲少寧居刺促走駑馬
高名竊經師實非謀道者況有孤病妻愁痛無冬夏
獨舍依寒山曠若棄中野一心如懸鉤倒垂不得下
舍此去安之衣食成聊且

客新城送伊公入山

庭花開不齊春風卷簾幕幽人款我門怡顏共談話
駕言之雪嶺揮手謝城郭此間饒修竹春冬無榮落
下有林塘村村名炊烟到邱壑令我懷翠微空山誤猿

魏叔子詩集

卷四 五言古

三五

鶴我宿不好禪頗好方外客師行我與孤何處拽雙
脚

灌瓦研詩爲李少卿作

劉呂爭存亾齊兵如雲擾賢哉灌將軍連和不中撓
將相倖機會左袒殊草草安劉第一功乎勃那足道
因恨魏元忠敬業反誅討惡人反葺餘愛人烏亦好
至今屋上瓦君子以爲寶

口占步友人懽白髮韻爲壽

日月東西馳靜對如讀易坐君江上亭秋山多佳色

我有不彫樹開門待君摘耳目關神明鬚髮何妨白
送木大師游武夷

十年好意游鑿空見山水我讀武夷志瀑聲今在耳

想師曳杖登茗柯交屐齒浪公矜創獲龍吟洞忽啓

豎屏縣石龕又得寒山子木公師覺浪和尚居武夷時于虎嘯洞頂啓一洞名

龍吟又于龍吟洞頂得一小石龕自記云予於此又

得寒山子之詩所謂上有安心窟下有定性橋者皆

前人所未開生此鴻蒙中值之偶然爾鼻準高于面夷險

同一體造物適故吾人情戀新喜洞頂不到天幽尋

日未已風雨洗青苔摩石待師紀

魏叔子詩集卷四 五言古 三

丁未三月授徒新城編左氏兵法却寄門人在

安世賴韋吳正名

霍不學古法趙徒讀父書規矩生神明膠柱斯爲愚

任生好權畧惜哉僅苞苴左氏入麤細萬變出其樞

重瞳不足學成敗竟何如夜夢韋獨來赤脚上堦趨

諸生飯東楹揖之食有魚云師講左傳願得陪坐隅

嗟汝二三子傷貧徒次且

戊申八月十日哭匡山宋未有先生
林子湖東歸貽我書一紙爲言宋白石五月中風歎

我夜十數驚天明推枕起盥水白衣冠雙燭炤素几
剪紙爲明旌上書宋貞士立哭拜不興哀聲動林水
堂下立門人拜跪偕諸子天峯楊友石君與同游止
惟君猶張弓楊子直如矢我當志氣衰心以二君砥
嘆息斯人匹又弱一个矣三月蔡生來君手寄我書
謂我長議論偏峯當刪除君體近益醇于用無乃迂
向者論尸復與甘健齋論祭尸喪復爲不可去勇於信宋儒才識貴
明達漢唐足兼須度此報書至君歿月已踰憶昔初
定交朝日出匡廬陪我棲賢游林子相與俱更逢吳
魏叔子詩集

卷四 五言古

三

稽田結交無躊躇天心厭志士行恐轉溝渠寒木畏
春風後歿當何如

之新城壽涂允恆作

山木葉丹黃輕車出石戶宿昔與君知芳烈擬椒糝
我論考編鐘君言鳴濕鼓及讀所撰述色變如談虎
始嘆真將軍有劍不肯舞每賜藥石言獨居耐咀咬
頗聞燕齊間祲異難指數秋雪與鷄蟲近者目所覩
識時如流泉積德如委土君心有桃源不在越與楚
花開還結實食之壽萬古

爲蕭孟昉五十賦

好夢在園林恰來天半住阻水注清池開花散芳路
經營惜寸條有如作家具憶昔游春浮蕭太常園名持身

入烟霧水石移地形結構木天趣我年比子安愧不

留佳句

時子午十三

聞君爲遼圃肯與高僧寓曾讀涂絨

詩軀身至其處爵位如亭沼名節如林樹靜坐當兩

日百年時延竚

同藥地大師坐晚對軒有作

江上秋日佳舍舟還登陸七里到青原清風引盤谷

魏叔子詩集

卷四 五言古

三

遙望宮嵯峨參差出林木文山與魯公入門景遺躅

青原山三字爲文信國書祖關二字爲顏魯公書

嘆息閱人多千載此屬目

師聞躡履迎一笑寫幽獨香積傳白粲飢來果其腹

共惜年時豐處處多嘉穀輟箸行秋山靚如初出浴

空翠四面來十步成九曲最愛晚對軒斜日上高竹

白石身嶙峋寒水濯其足佳哉冷泉亭頗似十五六

藉草話澄潭倚伏如轉軸明日扁舟行江風何太速

將下廣陵過青原山醫東方素北

甫到青原山問君長居此五月悠悠下九月來徐徐

三月下揚州蒲葉今瑟瑟主人之京華庭宇頗簡寂
新桐垂密陰晝閒娛筆墨忽有高軒入揖我蓬藋客
已復開蒲尊名輩先後卽鱗魚烹鮮腴臘酒光琥珀
酒中舉觴政曾密於羅織恕我不能飲餽恣所食
計生口懸河澄日但守默孫生昔貪杯豹人逡巡欲避
席仰首盡杯底覆掌無餘瀝因材限醉醒卽此知吏
職卓哉禹航公好士忘形跡意氣傾北海將罷觴再
滌緩步同孫王歸來窗月白

同黃仙裳集許師六齋遲程穆倩不至

魏叔子詩集

卷四 五言古

五

風雪滿揚州寒氣逼窗几客暇過黃君許子適步趾
彼此久知名不用通姓氏語且折柬招尊酒談文史
日坐無雜賓但有程黃爾高齋剪明燭疏盤延素餽
廚人諳食經羊羹一何肯縱談左氏書黃君亦唯唯
獨恨老酒人遲之不來止新知如烹鮮故交如飲醴
夜深驅車行北風涼如水

卽席贈姜奉世

世士見已往智者識未然屈首草土中孰辨愚與賢
空竹有堅理老樹無好顏南陽抱膝歌與世無與焉

鹿門果何人一語盡生平我來聞詩堂水石生空烟
尊酒酬主賓君獨發狂言慚我坐談客負君相馬篇
余東巖過訪桂山口占贈別

我愛東巖叟長歌不知年來往桂山路出入空翠間
著書已盈抱高談下流泉日落還歸去五里隔溪烟
同門人孔之遠宿桂山曉聞竹外鳥聲枕上呈

正叔先生

蒼蒼欲明發好鳥帶羣鳴竹影拂東窗長夜夢初醒
先生披衣起遙聞咳唾聲我尚耽餘寐展側殊有情
窗外立孔生談易何分明相彼林中鳥感時自嚶嚶
人生無師友有如盲者行飛鳥斲其羽獸鹿斷其脰
何幸我之生猶得親典刑努力愛餘日推枕出前庭

水莊寄伯兄

婦病常晨起飛鳥集庭柯清風來好音瑱箎如相和
念我同氣兄近在山之阿新篁間茂樹淺池沿青莎
作閒娛白日以我愁心多年各逾半百始衰比秋荷
又復季子役洞庭揚微波襍被行且止顧念婦沈疴
獨身無次丁藥餌恐羞譌幽蘭方揚輝華萼何婆娑

折之寄所思對此涕洟

癸丑四月住桂山時溽暑乍消風微日靜遂同
孔正叔先生過前溪訪友出畫題此

高梧密陰垂懸泉亂流注借問二高士欲向何方去
茅亭轉山椒佳樹藏深塢日落山蒼蒼應在前溪住
夜半同桂山先生立月懷余昆垂

夢醒月滿窗容光入我幌開門呼老友披衣共幽賞
庭竹立个个寫影東壁上竹露滴空堦草蟲鳴宿莽
始知靜者心原不辭衆響懷哉東巖叟風期多慨慷

魏叔子詩集

卷四 五言古

三六

斜月隔青溪策杖難來往

丙辰立秋日姨孫楊鄰人賣茶贛州出扇索書

時舟子解維待發信筆口號予方三月束裝
江路阻不得南下所謂見馳車能不流涎乎

日出眠未起之子來款戶爲言負茶籠放舟雙水去
舟楫因兵人行李庶無懼高灘水或多巖城猛虎聚
愛汝三世身一事當百慮慎儉德所先亦足致名譽
山庭蔭高林隱隱秋聲度天風南北吹鷹隼飛無數
安得閉樊中覓食比鸚鵡送子出庭陰搔首一延佇

丙辰九月避兵過亦菴禮藥地大師爪髮塔有
作呈中公兼寄合子素北

倉皇過亦菴袍聲徹兩耳遠巡憶舊遊彷彿如夢裏
綠蘚沿堂堦接跡交兵子信步轉迴廊遺塔儼然在
驚視再拜興淚落滴堦圮可惜雙眼睛未及見斯事
高天飛羣鳥瞻屋於誰止惟師良有言因風楊糝粗
我聞志氣人蒼天莫能歿誰云松栢下潛寐永不起
燈傳千古心溪流萬里水合子同高座昔送水中沚
家食豈無安年歲不我以願以高秋風殷勤寄行李

魏叔子詩集

卷四 五言古

三七

夢故人

丁巳三月十一日廬陵山中作

忽然夢故人纏纏儼疇昔談笑浹日夜體素無睽隔
往者髮未可復我自親暱

綴文同筆墨

苦言相箴規攻謫比仇敵相謂元冬雷交好如一日
骨灰颺風灰東西不改易何期大義乖與君遠離逃
長江三千里精魂來幽僻知君無兩心我面殊慚色
舊恩良可懷清議乃惕息人生重末路大德難踰闕
我亦自搔爬良友恐棄擲明發追往事攬涕沾衾席

題友人採桑圖

春蠶食桑葉吐之成經綸志士讀書史豈爲資浮文
采之盈傾筐躊躇視朱輪常恨樹上下移日語不聞
如君定知之置筐爲我言

贈門人孔用儀五十

風雪章門歸尋醫嘉禾城百里隔黎水悵然感我情
諸生十餘輩子最長有名賴章比忠信予季齊年庚
昔年相結交子我實雁行讀我左氏書折節立門庭
汝能恣討論起予發妙評是書世驚賞用者其誰能

離亂五六年大畧已可徵舟過千金坡

撫州府上五
里甲寅大觀

魏叔子詩集

卷四 五言古

三六

處

流水咽不鳴我季同太息誰誤此蒼生自笑坐談

容紙筆空經營汝年甫及艾豈當遽無成勉率二三

子洗我處士聲

贈門人盧永言二十初度 時有妻喪

古人當二十成人而字諸今人授室久抱子行有餘

閱世旣已早爲學亦匪徐古人惜分陰今人更何如

勺庭桃李花爛漫照水隅花飛新綠繁生意無時虛

子諒識斯意追隨日庭除昔我內子兄不占冰人書

以子幼多頽作配閨中姝

余妻兄謝亭三
特以幼女妻之

結穉在勺

庭花竹赤併車嘆息未借老初花萎交衢稱觴獻姑
舅不復理中廚子但怡顏色堂上歡須臾

贈溫聞衣五十

我昔與君齒長君五年爾君才如滄溟倒注天潢水
一題或一韵百篇詩不止贈我三數章文辭轉斐壘
我幼習醇謹處女人相比後敢犯大難彊禦無畏意
櫻彼岐心人惡名自茲起羣吠同一聲大抵皆俗士
君心作然疑逢我坐揚子

瑞金楊
惟明

揚子工詩詞出稿

屬批示見我意思真一字無忌諱君頗熟視我躊躕

魏叔子詩集

卷四 五言古

五

目不徙謂斯爲惡人世豈有此事久之信我篤退然
相結友往者未四十及今逾一紀渥赭君壯哉黧黑
吾衰矣山中菖蒲酒欲寄難雙鯉聊托黃絹辭藉以
赤松履

魏叔子詩集卷之五

七言古

寧都魏禧冰叔著

男

世侃直士編次

門人歐陽士杰遜萬較

古意

佳人倚闌干拈鍼刺花柳西風下黃葉吹向織纖手
手持落葉歸洞房對此秋色怨青陽淚落黃葉生幽
光

魏叔子詩集

卷五

七言古

一

烏夜啼

東山有樹樹棲烏寒月欲落烏夜呼自言樹樹烏將
雛雌烏啄啄哺且翼雄烏上下不得息羣雛長大爭
逐飛烏老臥巢還得食一春一春啼落花糞子不大
烏啞啞明月梨花子滿樹山猿抱子來朝暮但願得
食哺雛烏不願烏成來反哺

江南弄

浦水何深深菖蒲高欲沒空上采蓮舟蓮葉不得出
不愁水深蓮葉稀愁無蓮子君苦飢

立秋日同諸公勺庭嘗桃有懷彭躬菴友兄季
弟和公

始秋之日日愆陽高樹之陰移石牀諸公當午時過
我披襟散髮延新涼門前桃樹紛的皪垂子低枝拂
巾幘晨起呼童抱竹筐山日未來乘露摘貯之何以
白石盤濯之山泉青琅玕新香拂袖隨手劈齒牙歷
歷明生寒我友嗜此如不及我弟一餐能百十興來
大嚼當中庭諸公但可從旁立今年二月同看花山
庭近水明如霞人去不知花已實思君荏苒空年華
魏叔子詩集 卷五 七言古 二

衫樹上鳴蟬日垂夕
屋後有松栢

屋後有松栢屋前有桃李桃花李花花交枝遠託青
松心所私願將松栢贈桃李花落葉生長結子

瀟湘曲

君家遠住巫山曲妾家新臨湘水綠湘水之上有雙
妃開門日見青青竹竹葉何青青竹竿何歷歷洞庭
多秋風日莫搖山屋

同門人蕭子潛自栗園過泃林訪無倚師口號
却寄

清秋好日兼好風却攜小阮訪支公平岡盡長青松
樹短堤正開紅芙蓉平生鹵莽不學道但覺幽人相
對好清磬一聲香飯來舉箸落箸直一飽昨夜盪船
池上游青天如水月如舟主人牽衣儂且別莫負今
夜池頭月

大風

庚子孟冬作

嚴冬黑雨漫山谷大風怒起夜發屋知汝來自三千
里三夜三日吹不足由木飛石并威勢靈怪翕習往

魏叔二奇集

卷五 七言古

三

來倏忽蟠空際下帷慄栗擁被臥如見霹靂烈缺施
鞭而吐火鳥不敢晝飛鼠不敢夜跳雞犬伏蹠不吠
不叫哀汝北鄉之人兮盜賊被裘帶劍以乘馬良民
繫絀老母穉子散離竄伏于山野大將受降于夫供
億飢者不食勞者不息稼黠點以棄路草枯黃而僵
陷火獵獵以燒山獸挺挺而慘日雪奄奄其欲下笙
歌杳靄嘹啖而聲沸哀汝北鄉之人兮大風怒起夜
發屋嚴冬黑雨漫山谷

賦得老驥伏櫪志在千里

高天颯颯吹涼風，箠鷹怒翮睨秋空。
掣斷黑絲飛不得，老馬伸頸鳴阜中。
阜中之馬千百十匹老，馬一鳴羣馬辟。
易羣馬飽食，豆與芻。老馬終夜立，伸頸向人呼。
一食一石粟，棗脯爲穀，露淋宿天生。是物必有爲，安能禮數空拘束。

中叔云齊安重耳吳羈元德樊噲之諫沛公趙雲之對先主皆此志也

金精行

長沙鐵甲屯逕口，翠帶花旌動楊柳。
玉驄斜駕七香

魏叔子詩集

卷五

七言古

四

車路上行人盡，回首麗英家住此。
村落不愛鴛鴦愛猿鶴，石苔爲髮蘿爲裳。
日采松枝煮丹藥，烏飛月落洞門開。
平明車馬爭入來，冉冉被髮由峰頂。
三軍假立百花臺，臺上日日雲波屬。
臺下年年春草綠，風雨夜深山洞冥。
鐵鑿餘聲出空谷。

庚子長至日

五陰剝陽陽不復，蒼梧之東東日沒。
一雨一月不肯乾，一日乍晴十日黑。
侵晨整衣向東拜，我思蒼茫竟何在。
浮雲瀾漫滿空山，春日不來時不再。

時不再來心煩冤析骨裂膚寒威煎冬深霜雪灰不
然故春之去如逝泉哀我後生長霜雪不識人間有
春日

慈烏篇 示門人

鄭重發人深省
在昔聖人出御世後苑之樹烏翔起朝飛暮飛自求

食得食輒歸哺其子詔曰烏之鬻子閔如斯嗟汝羣
臣從朕遊欲歸養者今日始哀哉二百七十年黑烏
赤狐滿萬里臣有山中茅屋二三間不種楸棘種桃
李桃李上巢老烏哺翼之兩烏子鳴從北方來爲言
魏叔二詩集 卷五 七言古 五
山南五百里有楚茨叢下有爛羊尾烏子聞之不
顧老烏爭飛食肉噫嘻嗚呼烏子爾幸不逢曹王臯
關弓挾矢覆其巢

新晴歌和伯子作

伯子歌新晴恰似新相知一見之間樂難極猶然
是此尋常人相看無非好顏色云云

新晴恰似舊相知十年一別無消息我亦飄飄客異
鄉古道秋風竟相值桃花李花雜春草風雨勾庭春
忽曉恨爾相見何太遲喜爾相逢似太早

黑雲橫起壓赤日熱氣偏仄排凶入震雷一聲起殿
壁北風南風吹雨急屋瓦亂落搖屋極東西馳擊如
有物嗟爾天雷久已無神奇焚燒豐草索狐狸我有
一尺方石枕無爲白晝驚我寢

平西走筆寄甘健齋轉呈張曲江明府

甘子壁上詩慨然想見君有奇甘子辟世東牆下君

數顧之何所爲其目示我一長篇上傳山西巡撫忠

襄蔡公賢

公諱懋德號雲怡南直隸
山人甲申死闖賊之難

後有論贊三百

言睢陽之烈千古傳

公貽周公遇古書
有此睢陽之烈語

張君傳如韓

魏叔二詩集

卷五 七言古

六

退之附載中軍應都司

應公名
特盛

稟稟南入好男兒方

伯名與許遠齊

趙方伯建極罵
賊不屈凌遲成

更有寧武周將軍闔

門戰歿無子遺感公貽書自憤發愧歿賀蘭不出師

周與妻俱蒙古人城破手刃巨賊百十人身中數是

十割夫妻率家僮百人焚舍巷戰迄歿無一降者

咸云難處在此拈出有眼而道彼法更自精神

時蔡公奉旨已解任力戰十日城破自經三立祠勞

瘠身輕不得歿時盛乃脫鐵甲加公衣歸家手殺子

與妻再拜屍前經樹枝門皂廝養二十餘祠前樹下

屍纍纍我同林子讀至是默然無聲淚雙垂吏部曰

然心傷氣盡下徑接解任之故馳驟斷續是史漢
公用人侵我吏臺省曰公儒者不可使國是日非士

解體傳中一一詳其事乃知張君不獨愛忠臣能見
大計有如此我翻案上書明季遺聞多刪除林子拍
案大呼絕何人今能爲此說甘子拱手君莫疑此亦
張君之所爲朝出城西門甘子送我乘桴行江風颯
颯吹白蘋石瀨迴薄濺衣巾悔于南豐不識君

贈熊見可

名兆行祝名應齋
字仲立俱樟樹人

力餘於物能舉物氣餘於事能勝事愛汝精神大於
身溢出須眉如沸水廿年高節臥石門一載利器試
延津忠臣自古無餘祿丈夫天性懷舊恩君之好友
魏叔子詩集 卷五 七言古 七
祝仲子其人沈練有思理謂君作事多剛疎以我觀
之信有爾

快哉行贈余生

快哉我得與生相遇執手不辨新與故問生何官執
金吾錦衣橫帶王前驅問生何業詩與書大言小言
如散珠甲申三月天柱折椎牛擊豕衣濺血座上少
年皆皆裂我聞會止山老生醉後作長吼三尺五尺
樓上函歛忽跳擲若無有我今見老生汝身不過中
人身胸中五嶽何難平我欲飲汝一斗酒狂奴故態

今在否

拙哉行爲葉子作

有序

葉子之父死義者也葉子悅蜀人余生與游五
嶺勉以義旣見吾季子遂舉所學制舉文立焚之
壬寅六月余相見南州因道前事以礪其卒葉子
曰吾何以見吾朋友作此徵之

拙哉古人車乘翹翹招以弓欲往從之畏朋友前有
鏗鏘激楚之鼓鐘後有窈窕澹蕩之冶容劉糟稱麥
烹巫雍蒟席雕塵宮蛇龍翩翩得意如御風拙哉古
魏叔子詩集

卷五 七言古

八

人褻裳去之不敢從噫嘻古之朋友一言相爲歿下
有黃壤上蒼天日月祖考實聞此

邦士云本以忠孝相勗詩中不及忠孝一字獨斤
斤爾連在朋友一言末數語真古朴拙意格俱高

登望湖亭壽楊永年五十初度

我生四十不識湖夢中乘船常大呼一到吳城上亭
望左揖彭蠡右匡廬吳城之市有楊子二十年前聞
高義只今便成五十翁顏赤髭烏心獨喜最愛秋水
涵秋山夕陽風急漁艇閒恨汝百川不灌河青洲宛
委隔烟波明年二月春雨集與君把臂亭上立湖水

搖蕩日月馳想君磊落年少時

歡喜亭老僧

亭在廬山之半老僧十年後竟坐化于此

歡喜亭上有老僧短衣窄袖號玉明入門不識新與故又手出戶笑相迎我當七月肩輿上路逢陡仄下與行瘵飢已煮菘豆粥消暑還蘆苦瓜生八年以來盡如此與之一錢不肯承令我對此不覺飽放飯大受無吝情

石松詩贈日公

有序

五老之陰曰蘭谷僧日猷與師旭巒結廬其上壬寅七月余同林確齋造之自歡喜亭東折數里下谷水石薄嚙松杉萬樹仰視空濛日光微下十步之內亂趾易面又經數里羗出木際乃及門焉時旭師暫出相見日公于堂旣說姓字肅然拜與堂北積石參參蟻而上有松門並植石橫臥如限日

魏叔子詩集

卷五

七言古

九

石戶戶外多盤石平如掌凸如拳松錯生之曰巢雲松根並緣石罅不著寸土高五六尺短者二尺下悉可坐臥大約數百歲千歲物也松短毛勁如怒虎須枝幹結或端直層起如偃蓋斜如雲曲

下乎上如椅牀几根枝蔓延如石上苔蘚或橫嵌
石中一二尺倍突上之日公曰歲大旱松著土者
毛黃萎石上松蒼翠如乎日吾聞旭師堅立不撓
一身衣食其弟子日公足不下五老擊者十餘年而
此石松方千百歲無知者是石也多幽蘭松蘭之
間杜鵑尤盛魏叔子曰師似石松似日公日公之
友似蘭而杜鵑則且奚似繫之以詩

五老之陰有精廬松石絕與人間殊天下凡毛皆踐
土此松以石爲璽車雲露厭浥濯其毛風雨歛忽盤
魏叔子詩集 卷五 七言古 十
其株衆草視之不敢偏獨有幽蘭相與娛四月杜鵑
花不絕山後山前衆芳歇萬丈壑底衝風吹石上松
蘭赤如血

赤岡二查歌

赤岡在匡山之麓大查天球小查小蘗

大查吸吸如匡山小查滉滉如湖水二查不知何者
賢但聞其人十九年小查秃爪兼折角朝游蒼梧暮
碧落大查塊獨處戶庭躡足強項不愛生煜煜烈烈
動神明小查身入虎穴與虎爭噫小查實爲之逡巡
不使大查知前日扁舟下豫章小查訪我古南塘其

身不滿五尺長樸率有如田舍郎今朝大查出揖客
匡雲初開日正白我見二查皆下拜大阮小阮直奴
輩

早發華陽鎮

七日五日阻北風江頭白浪高於篷中秋夜泊華陽
鎮琵琶琥珀聲瓊瓊月高鷄啼夜當午官船吹角起
擊鼓不聞江上人語聲惟聞滿江動櫓櫓北風漸軟
江水平高帆一一出前汀估人利涉爭及時何能熟
寢待天明披衣出船望江月波黑天低光明滅夢中
魏叔子詩集

卷五 七言古

十一

每愛放江船月落空江叫鷓鴣

揖黃君

高郵城外水連天高郵城下齊泊船城裏有人持書
至船上反側不成眠舟子三更起理檝送我獨上堤
頭立五尺以外皆波瀾僕夫趁月負我涉蘆中老父
起呼豨問汝半夜欲何爲逡巡借得牆外坐冷泠風
露沾我衣身寒背倚濕蘆葦腹飢口嚼乾蓮子西頭
之月不肯落東頭之日不肯起須臾聞說開重門短
衣垢面揖黃君

廣陵別涂子山

飛鴻遲遲來掉入青烟路遺音在風中適與歌聲遇

四語子山感興中句余每聞中歌此句撚須微笑若有悟祇餘

青眼在空見白須稀二語子山病中句老狂病語出天真心

長身短知者希去年八月客黎水見君壁上詩數紙

廣陵秋老菊花開客中逢客却在此明日別君去共

君今夜坐天高霜氣深無言對燈火居隣北郭帶邗

江明夜濤聲一思我

上江行

魏叔子詩集

卷五 七言古

十三

長江捲水如推輪黃雲黑雲屯天門大風揚埃迷前
津橫船獨進負勢奔舟子競力各爭能指揮不應力
不均舟中面面皆失色風聲水勢相吞射但見破船
敗席沈江中亂捲黃沙灑蒼葭噫嘻風波反覆在頃
刻噫嘻風波反覆在頃刻禱祠恐懼何所爲默然內
省不自得

贈愚菴和尚

師名明孟號三宜

愚菴老人無枝葉叉手獨向蓮花立日莫放船過花
塘西風吹須白習習昔年曾見虬須僧知公於世大

有情衆生不度不作佛坐看西湖春草生湖上蓮花
成阡陌花葉出水都一尺獨有愚菴門前花高於湖
心七尺石

贈胡彥遠

熱風日夜吹湖水獨坐高樓窗不啟有時劃然雙戶
開西湖南屏入窗裏我時迴首錢塘城有人抱膝忠
清里下牀負劍倚青童入座磬折馮元几時塲濱
困甚雙

眸炯炯對客談意君當是天下士選材語愛李英公

彥遠論人事業兼
相狀貌福澤者藻鑿人推崔刺史用人不與擇交

魏叔子詩集

卷五 七言古

七

同我意云然君正爾朴璞須知周鄭名清濁莫分溼
渭水高冠方矜憐督儒繡虎雕龍鄙餘子君不見日
下雲間會坐時勿爲常談只如此

青門歌贈王滄厓

延秋之烏啼秋原齊宮之犧犁春田青門種瓜大如
斗市上那能值一錢秦郵公子何翩翩爾雅風流真
少年拂拭埃塵光瑚璉世人抱薪炊熱釜君燒灰
灰欲然長安萬里風雪天紫貂毛落折雙蟬南望鶴
巢飛不前資君羽翼高騰騫更於黃山一遺老見汝

覽揆之贈言朝霞的灼赤城邊天潢屈注滄海連我行拂衣歸雲烟此中頗有胡麻飯君來食之壽十千

寄壽嶺南何母七十

伯子衡字左玉仲子絳字不借

吾友之母如吾母吾弟之友如吾友北田三月梧桐花左衡右絳捧春酒我生四十不游粵此中五子神交久定知是日陳陶梁獻酒一卮詩一首盡道二子之賢阿母賢伯能家貧閉戶居仲能母老東西走惟母生當萬歷初至今始識天地厚去年黃山七十翁三千江水親爲壽人間不少隆萬身所愛此翁真壽

魏叔子詩集

卷五 七言古

十四

考城南曾子最相知荷擔獨上梅嶺道我持清酒一壺勞汝足好及良時慎弗後

壽吳門陳崑良司馬六十

四十我已衰六十君尚壯疇昔聞君名思君在天上我往尋梁鴻廡下不知處君却來金精仙女已飛去我歸金精君入閩三月見君梅川城攜得蘭本如搗劍紛若好友羅中庭我之四十歸草堂君之六十依僧室如君自是四海身不宜爲主宜爲客

讀鄧南津天寧廢寺詩因感白鹿洞書院作

天寧高寺臨古盱昔日繁華今荒蕪深殿無鐙鬼畫
呼馬矢三尺延殿除扈廝爛漫睡吐吐鄧子過之三
歛歔歸作長篇刺苾芻前年我行游匡廬五老獼猿
扳山狙力盡玉川足趨起恭聞白鹿麓南隅先聖先
賢遺令模從之不憚我僕痛白日欲落啼野烏松陰
竹陰光糝糊入門登堂色邱墟至聖戴板坐中區弟
子潦倒班兩廡丹粉剝落紛頭顱冕無綴旒纓絕鬚
叩頭再拜起躊躇不敢久畱張足趨噫嘻白鹿白鹿
多生徒秋稼登場復何如但聞諸村昨日下午官符阜
魏叔子詩集

卷五 七言古

五

隸分頭徵洞租

口號送黃孝廉歸楚時房竹新破

愛客愛楚客楚客多豪雄愛水愛楚水洞庭多悲風
彭蠡具區了不異人意乃知天地多雷同我曾泛白
馬喜無湖邊山不知此湖澗多少但見飛鳥去不還
側聞洞庭湖青天爲盆日月浴生不上岳陽歟不暇
雙目楚水楚水風不波楚人楚人今若何

紀夢

夜與諸生講論策一生之語殊大惑我從上座厲聲

問汝今温飽誰之德揚眉張口發至言一座之人齊
悚息寐成獨見林旃齋兩人相與月下立仰望月形
變飛鶴頭足嘴翅光歷歷旁有綵雲繚繞之恰似官
人補上物忽然兩日懸西隅一大一小明明出我將
一手障左眼獨以一眼看新日走入內室自徵君徵
君臥起覓雙鳥我時跪執徵君手今年天變良已極
時平物賤歲屢登不覺痛哭聲俱失徵君云汝輒如
是是維乙巳十月夕

題方九臯蘭譜

有序

魏叔子詩集

卷五

七言古

六

物以少貴非至美也至美者使盡人間皆是物終
不得賤方氏九臯譜蘭百種形態各出然極天下
堂室山谷所有九臯雖累紙萬幅不能盡詩曰

荆棘一枝嫌其多蘭花百本嫌其少物生所貴自爲
芳不向人言亦道好億翁畫蘭不著土九臯畫蘭必
傍石安得天下蕭艾盡化蘭恹煞九臯畫不得

贈新城涂宜振五十

天峰之陽有美子腹何便便須纏纏口銜酒杯不肯
醉廿一史如瓶寫水行年五十未徵蘭獨上花樓看

遠山興來寫入詩中畫屋裏白雲相往還翠微坐對
雙桃石手把春醪遙相憶雙桃飛渡黎水濱天風一
夜長兒孫

送越辰六之楚兼游廬山

我昔曾登五老峰青天無雲朝日紅第四峰頂枕石
臥江水湖水分西東大江東下翻日影回首楚山烟
暝暝獨恨我無千里目直望洞庭波萬頃讀書不讀
兔園冊交友不交鄉曲人觀水必游洞庭湖看山必
上玉川門楚水多臯蘭匡山多黃精松根茯苓如斗
魏叔子詩集

卷五 七言古

十七

大問君藥籠攜未曾

題宋射陵蔬枰

藝蔬亦有道菜高植韭以爲君治圃亦有法縱橫不
亂如部軍重後輕前謝機智一心負在何殷勤種之
貴土宜用之貴及時卽此經物有深理聖人何以小
樊遲我本南州士常游東湖曲雲卿廢圃至今傳歲
歲春風春草綠嗚呼古之小人今大人試看蔬枰霜
雪後青蔥黃韭何啻昨

吳門六月歌

吳趨市上人如烟大雨十日日衣綿夜擁絮被塞兩
肩五更雙足猶連蜷我居城市尚如此況復千山萬
山裏誰道嚴光爲好名五月羊裘釣烟水

夏雲 丁巳作

秋雲橫夏雲直春雲重冬雲一四時雲氣無端倪惟
有夏雲最特奇日邊滄波平天際青峰突波濤洶洶
起層樓峰巒矗矗如立筆兩峰對峙不相聯平橋橫
架人接跡或有好女垂雙鬟或有巨人持大戟身騎
高馬戴兜鍪戈劍相撞如殺敵獅子蹲跳熊羆號獸
魏叔子詩集 卷五 七言古 十八
駭禽奔勢相偪大叫奇絕呼人看倏忽形態已改易
有時雷聲殷峰中金蛇閃爍時出沒用兵警淮陰分
合不可測爲文譬子長雄奇恣胸臆惜哉此雲不致
雨四海何由被潤澤

丁巳十月夢中聞鼓聲甚妙得二句續成贈契

公

長夜霜嚴天不曙老僧夜起自擊鼓我于夢中聞妙
音不減劉琨獨起舞一擊暴雷起左方四壁剝欲摧
屋梁再擊三擊音節換殷殷聲轉南山陽草枯月黑

夜如此時聽風聲雜澗水不斷有如練雀飛少停忽
爾蒼鷹起欲停不停故盤桓未斷將斷聲團團窗前
乍覺西風動天上遙知北斗寒四海幾人夢初覺爲
牧爲王稱極樂安得借君法鼓催朝暉一出繁星落

蕭孟昉初營膝寓予適來客賦二百二十四字
研隣先生天下豪千金萬金比鴻毛眼底每嫌五湖
窄胸中時有五嶽高能于城市生邱壑一泉一石隨
意作到處敗場與童山青林一夕蔭高閣春浮逕圃
不稱心研隣窈窕晴陰兵火歸來頗荒落隔江暫

魏叔子詩集

卷五 七言

十五

住旃檀林圖書滿架竹滿寺叉手間行聊適意望江
欲起白玉樓從僧更乞金沙地杵聲不絕烏亂啼清
風天外來故知一別八年還相見君大黑須我白髭
謂我曲闌種芍藥修廊斜帶池心閣欲試前山高未
高自上梅梢俯寥廓大江滂蕩小溪清晴林隱隱見
層城更結幽房二三个春蘭秋菊間茅亭萬馬渡江
日不止晝閒且自攤書史古之達人良有言何用爲
樂心所喜

口占答楊友石

時戊午
十二月

有木得爲先生棺有藥得御先生病生平金帛耗幾
何如此二事金之幸懷哉古難衣食人不然夫子豈
長貧於我猶非盜黷樹獨無困粟指與君天寒作客
殊草草水雪堂中寒正好友石名所居水雪草堂自笑虛名累
此身無端風雪章門道

題蕭小翻像

君向何處來更向何處去一杖拄雪根踏破青莎路
知君方寸有桃源紅花綠樹紛無數小翻好佛故首二語云云

魏叔子詩集卷之六

五言律

寧都魏禧水叔著

男

世侃直士編次

門人歐陽士杰遜萬較

初過冠石

乘輿偶相過山花處處然欲尋偕隱地正值晚秋天
往路溪流得開門石竹偏至人勞種蒔荷鋪立渠邊

登蓮花山

魏叔子詩集

卷六

五言律

一

百折山泉出千尋石磴通孤篁秀陰谷高鳥入寒松
雲物長如此樵蘇竟莫逢秋心向空外迢遞一聞鐘
東岩歸作東躬菴確齋

盤谷羣峯入歸途望轉迷殷勤謝我友相送石橋西
疎樹高原出寒花野徑齊到門還倚杖獨立向東籬
過馬嶺遇雨

曉過馬嶺道芒屨欲平雲萬木鳴泉合孤桐石峽分
羊腸聞坂寒熊耳想嶙峋風雨一時下微茫失遠村
同曾止山宿冠石

結髮爲朋友於今二十春
翻嫌體素異故使往來頻
霜氣下茅屋寒光生故人
時聞東作者鬱鬱動柴門
獨行山閣見落梅歸命筆
墨卽樹下賦

春氣一何早東風盡日吹
獨行疎竹裏時有斷香隨
高閣迴虛照空堦見落梅
佳人殊未至此意當語誰
躬菴云末二語杜老惱不徹
只顛狂遜其閒遠

蕭蕭蒼壁上一片落寒枝
冬日佳無極山中清若茲
羣蜂分逐艸孤鳥自銜池
相對籬東菊衰榮感異姿
躬菴云三四高渾五六幽細
是梅詩絕唱

魏叔子詩集

卷六 五言律

二

同謝亭三曾止山過林夏叔
看泉上落花盡日愛爾真
樓隱春閒載伴過鳥啼山
路轉花落石泉多地僻餘
芳艸人幽長薜蘿何能不
取醉新月已庭柯
婦病

足悲清鏡裏忽忽向秋徂
十月霜經菊五更風落梧
愁來憎衣帶怨往怯啼鳥
共對空山火躡躅此夜孤

伏驥 有序

余有石印自東粵來紐作
伏驥怒鬪矯顧欲起鐫
其面曰老驥心千里美人
天一方意氣之合軌以

贈人夫寶劍贈烈士悲哉

粵東來伏驥代北寶空羣久隕原非石觀之疑有神
相皮輕國士畫肉亂天真神物終當去江南艸正春
不寐

秋山風雨夜百感動雞聲反側成終古躊躇向此生
草蟲依板屋竹葉下皐亭直待虛窗白高眠未肯醒
余有寒溪聞落木衰艸出行人之句羅飯牛爲

作画復賦

左折西橋路東皐連翠微誰將一幅紙寫余心所思

魏永二詩集

宋六五言集

三

松下聞聲處溪前獨立時寒光看不盡日夕秋山知

送任道爰同諸子幼剛歸九江

天下少知己寒山多苦音欲將千古事贈子十年心
前路風霜滿故鄉煙水深莫勞劉子驥遲汝桃花林
寒雨見松間桃花感內人病

溪上桃花樹栖栖暮雨中愁心寒對水弱質獨依松
是亦分春氣何堪但落紅不曾貪結子空待五更風
病臥聞月想湖上作

曾聞湖水夜月色涵秋清欲駕煙中艇直來湖上行

數峯生杳藹一片沒空明何意仍衾枕殘燈暈已生
弟云起十字寫湖水秋月一片渾淪却便是想作
妙絕○又云第六句鏤刻難狀之景高渾精工試
問空明如何沒而曰一片沒空明詩有不可言解
可意悟者此類是也

客寢牀蚤可拘戲呈主人

于人辭拂拭致爾特猶披似鬼躁難得如蠶螫易施
慈因懷蟻蝨虐已甚蠹蟹坐待朝光出捫之無子遺
勾庭冬夜聞林舟之彈琴

悄然成獨立何處直鳴琴寒月不肯落遠山時有音

松間白露下池上夜泉深曳杖還歸去蕭蕭風滿林

魏叔子詩集

卷六 五言律

四

冠石草堂值温晉上

愛茲風日好十里過林逋雨後泥侵屐山深花落鋤
論詩蕉葉酒當飯瓦盆蔬及伴將歸去却逢君到初
金精谷中遺冠子戲成口號

東門無事掛西谷日尋歡遐想孟君宴空慚范氏冠
折寧各士慕側可吏民看禿髮應難任科頭且自安

山居日斫大蕉一葉代紙偶書貽危習生

好友如君少秋清正在茲比來頻見面別後輒題詩
白日高亭午綠天陰滿池偶然庭際立書此一相貽

夢徵君扶病拜先祭起欲輒絕哭噎而寤

先子昔承祭瀕危不敢安七年猶入夢一痛直傷肝

伏臘非王氏威儀自漢官南門原上草夜夜北風寒

徵君生平最篤奉先疾將革惟屬祖祠事捐館前
二日值太母冥誕命扶掖祭拜弗勝數頓首起

湛田寄曾止山

輕陰連數夕山木已蕭然時聞石澗水響出清秋天

獨立遲歸鳥平洲下去船根無雙鯉發寄此到君前

勺庭望月別胡心仲

秋色肅然至空山月色真近來愁久坐此夕直同君

魏叔子詩集

卷六 五言律

五

高露下梧葉寒蟲依草根未知明夜月杯酒向誰論

秋夜廻文

愁覺不眠好榻移月影穿秋庭半在樹碧水一於烟

頭白親花塢眼青對竹園浮生此倚徙過鳥任翩翩

賦得老驥伏櫪志在千里

克國馳金城文淵下武陵飯多來譖口酒少得威名

洞股齊高帝白頭減伏生磻溪日落處一一欲揚鷹

中叔云詩欲備體故專取末語立格

庚子十月得蘭花山中采置草堂率成二首貽

胡心仲

冬來多暇日信屐到蒼崖落葉香吹路披榛花拂衣
誰憐當歲晏移植向茅茨歎息十餘載幽芳今始知
月色霜中靜夜深山氣寒愛之心不足移獨坐相看
影對菊當案香分橘在盤雖然辭枳棘異思莫能干
登日峯

不見扶桑國登臨只此峯因之分晝夜直欲破鴻濛
樹隱羣山外烟浮萬井中天風自吹息未許白雲封
同友人之資聖寺訪木大師留宿賦呈

魏叔子詩集

卷六 五言律

六

三年遲行杖十里望松陰爭識先生面誰知後死心
蜩宜承徇僂舟次覆觴深夜半聞烏鵲孤飛祇樹林
過劉氏竹園同林確齋駱樵客江玉仲十首

會上天峯寺還過樵客莊遙知隔嶺樹下有好林塘
路仄時聞水竹深不見房主人能待客禿祖亦何坊
旅中眞畏暑觸暑訪各園小徑曲依樹方塘平注泉
偶來石上坐倦倚竹根眠客夢何曾醒蕉尊已到前
濁酒不辭醉竹陰全在亭源風隨密坐殘葉落空瓶
畫靜心如水菱鮮齒欲冰坐中逢熟客雜遝起新聲

蘭花吾愛汝尤愛樹中蘭不見已多歲相逢在此間
性能移酒味香豈共花殘欲乞金錢買翻愁歸路難
種柑多佛手樹樹列清泉掌指拳都肖色香味竟殊
可因玉友至不使木奴俱林子曾貽我祇今一尺餘
池館佳如此到來心已清自憐冬肉食猶覺少幽情
石轉高低路竹成長短亭北窗開向處應有讀書聲
更上一層去江城引望遙春風開萬戶秋水落雙橋
野艇竹根過行塵草上消不知明月夜此處肯寥寥
我有小亭子依山不必深近栽花外竹遠見樹間岑
魏叔子詩集

卷六 五言律

七

對此怡新好何如返故林秋風且莫發攬我客中心
亭前分井水堦下少茶爐樵客相邀去當軒盡一壺

章法 連下

短牆依薜荔小草雜蘼蕪便向花陰浴頭蓬不暇梳

從歸路口中補敘池西

振衣出石戶躡屐過長堤共說園中勝無如池以池

之勝意法自別

空明羣樹見平遠一峯來不覺月當照有人橋上期

時玉仲先歸期

于橋上待月

邦士云欲與老杜何氏園林比勝
凡云起結處洗脫蹊逕居然爭勝

蛙鳴

積雨新晴日鳴蛙薄暮時
一語化腐為新最是工巧
自來當鼓吹我欲問公私

躑躅青莎路浮沈白石池却傳蜩蚪事緘口慎人知
弟云寄托深切不得草草讀過

晚泊南康

峯高青入水湖濶白浮山野鳥飛難渡人生到此閒
遠船乘夜月縣火倚重關枕上支更卒終宵自往還
登左蠡樓

湖光晚不盡涼月正當樓遠嶼平烟沒明燈接樹流
艱難成客路天地入虛舟欲逕洞庭水蕭蕭木葉秋
宿萬杉同剖公雨後觀泉

魏叔子詩集

卷六 五言律

八

行年將四十今夜宿匡山寺憶前朝勝人如此水閒
暑風消雨後客路入秋殘何事東林日攢眉竟欲還
自匡山過陶彥存宅

主人聞客至巾帶出前山好雨依時下高林竟日閒
倦游疎拜揖隨意足盤飧欲覓讀書處清秋共往還
西湖飯黃米懷林確齋兼呈主人

高閣臨湖水晚涼進食簞念君長病隔愛我近加餐
撫腹誠無負用心良已難孤山曾飯鶴飛去任飛還

黃米飯不停

澗說三四云

七夕寄內

西湖逢七夕北寺對孤山
遙憶翠微裏有人獨倚欄
斷烟明水際初月照人間
歎息真良夜年年秋未還
宿江爾慈藥室出所次百官圖占骰擲之除拜

悉依國制激勸兼有復覽佳詩率爾有作

自愧非苓朮多君置藥囊
周官留六博大雅接三唐
對酌樽前酒同眠地下床
無端耳熱處見此卽神傷
春早發翠微余欲輕裝內
人勸余重繭曰寒思

吾言却寄二首

魏叔子詩集

卷六 五言律

九

下山纜數里衣絮已頻加
我意不如是卿言亦復佳
曉風鳴斷樹薄日帶飛鴉
却意桃花塢春寒上絳紗
汝病春常劇憑誰驗藥方
月餘酬客倦昨暮種花忙
藥記收書籠方須檢筆床
憂來倘病隔更試鬱金湯

清明日寄內

作客尋常慣那堪桃李時
花當飛別路葉定長新枝
繡佛閒消病裁箋強詠詩
知愁春草綠不復上前堤

竹橋桃花

庭際雙桃樹開花不自娛
行來九十里纔見兩三株

山木知兵力春風感繫餘幸逢羣盜息處處有田廬
舟過白城留欵檀水別業歸呈主人

終年愁客況此日識秋光菱葉殘猶綠桂花落尚香
酒醇能自醉意適便爲鄉相送西橋路平蕪已夕陽

陳伯幾爲浣君修佛事走筆奉柬兼應輓詩

之子辭朝市佳人向夜臺已明三世事還散八關齊

白衿新被體青眸舊愛才

浣君昔以
憐才歸陳

秣陵花落後親

揖浣君來

贈別沈方鄴

魏叔子詩集

卷六 五言律

十一

南州纔把臂又說到羅浮海日獨來照天風吹未休

才名開百粵羈客感三秋爲問陳元孝丹崖尙姓邱

廣州陳元孝云羅浮絕壑人不能到處遙望丹崖上
橫勒邱邦士三大字而蕭姊婿姓字適符亦異也

同諸公歸有園看桂涂允協索賦

黃綴高秋樹香迎過客衣偶然來曲巷及伴扣柴扉

坐定風聞葉酒闌花落卮主人興不淺欲去索題詩

送友人之金陵

烟霜遲落日楓葉送行舟爲有三山約難辭千里游
牛蛇應自見猿鶴定多愁莫待桃花發春帆上釣洲

自西溪尋友人

每到西溪路客心都覺閒斜簷支古樹隔水度青山
歌雜漁樵處人行烟靄間清談杯茗接日落不知還
廣陵重晤余生將歸餘姚賦別

十年我再出君尙阻歸程瘞骨奔西蜀行裝滯廣陵
乾坤爲客老患難覺身輕一曲鏡湖水悠悠待汝清
病病憶內人病却寄

客況秋無賴高樓暮雨飛畏寒添白袷煑藥仗青衣
肚痛慚無帖神傷忽有詩憐卿頻滯下長伴夜烏啼

魏叔子詩集

卷六 五言律

十一

口占贈華子三

客我吳趨久知君意氣真君如孤嶺樹我亦出山雲
白墮酒難醉黃初詩未貧不辭雙屐滑風雨日相親
贈王橋庵

結友平生意年來少品題何當天下士直在夜郎西
捫褐曾無蝨聞聲尙有鷄莫令鄧禹笑珍重此鬚眉
水莊喜躬菴確叟見過

西臯羣木落風過特聞松冬日有如此松風自不同
沙明魚可數天靜鳥當中何意耦耕子芒屨相過從

寓富田偶庵贈耙上人

萬方多難日何處此招提小閣雲中曲高峯天外低

鄉餘正氣在

富田爲文信國故鄉

宅與孝思宜

上人構庵養母

點綴清

秋色芙蓉放一枝

老友經年別吾徒萬里分不因從白社那得聚南村

烽火前山隔清鐘此夜聞淹留未肯去一遲右將軍

同中公避兵雲梯山庵柬見見副寺

雲深不識路清磬一聲聞九曲山藏寺萬株松到門

歸牛眠露地吠犬隔花村瞻禮金容罷殷勤敘主賓

魏叔子詩集

卷六 五言律

七

不記青山外郊原盡甲兵雲林雙杖遠秋雨一燈清

善病憐見輩論文愛老僧夜深松子落風細不聞聲

水雲菴贈契岩

老僧真破衲一榻任寒叢帶月春朝食疏泉煮晚菘

虛堂閒白日實相見宗風荒谷鷄聲斷深宵自撞鐘

水雲庵酬王侶薪見過

避地從蘭若頽門借薜蘿村荒行跡少樹老夕陽多

雲外來嘉客燈前共嘯歌濁醪人未醉霜氣落明河

田心訪友

一溪十九渡亂竹壓危梁樹偈青天黑草連白日黃
下車穿虎跡交手轉羊腸聞有故人在敢儻朝履霜
雪霽寄內

客況生除歲天寒及暮時雪添新霽色梅壓古牆枝
多病長愁汝有懷獨賦詩民生方日蹙且莫訝歸遲

松花

蒼松黃蕊出開遍野人家嗟爾歲寒物竟同春樹花
味堪調餼餅色可映宮紗惟有石間蘚長年綠水涯

春半憶勾庭

魏叔子詩集

卷六 五言律

三

好鳥啼朝夢東風吹陌塵如何花開日猶是未歸人
堤柳青連水山桃紅到門夜來添白髮又過一年春

舟中贈楊參末外兄 二首

灘聲五百里七日上梅川與子同杯酒相將忘暮年
花開眠犢地歌唱打魚船更對巨源坐插頭詩數篇
祖父老嫗戚于今得幾人況當吾與汝少小便相親
警咳先姑在文章令子存自憐空老大鬚髮白紛紛
寓方西城後院聞玉人吟誦聲有贈

不記魚鹽市祇聞鳥雀音若添數株樹何異入山深

永巷人聲隔虛堂日影沉春風開戶入吹到短長吟

魏叔子詩集

卷六 五言律

十四

永巷人聲隔虛堂日影沉春風開戶入吹到短長吟

魏叔子詩集卷之七

七言律

寧都魏禧水叔著

門人歐陽士杰遜萬較
世侃直士編次

己亥八月懷曾止山在吳

天涼風急萬山虛處處秋煙到
做廬聞說三吳歸戰艦何當六月斷
音書夢樵已識蕉無鹿春浪還生海
大魚念汝洞庭將木葉隨波離合一愁子

魏叔子詩集

卷七 七律

一

送曾止山客游廣州

幾千里路見行車瀕海雄封此一隅
寒雨時當五日晚索游幸有兩人俱
始興太守誰延士南越老夫肯自娛
但使千金徒送客陸生應愧說詩書

送季弟入廣

棲棲六月下重灘開戶誰知行路難
愛汝兩年曾遠道慚子十載只寒山
爲愁暑雨多飢渴但得瓜梨莫飽餐
海國秋風容易到五層樓上有波瀾

黃生自百二十里就學外舅時年十歲里有寄

童之目詩以贈之兼呈令尊令外舅

十年就傳遠離居石戶寒燈八月餘郭瑀有徒能坐
此伏滔作父定何如余今猶自答科舉子昔知應疑
尚書莫羨人稱天下士艸廬終已愧名儒

金郝天挺厥科舉元好問從學進士業不答唐神
童高定七歲讀尚書至湯誓有疑問時余方以時
文教授而黃生治尚書
不學舉子業故及之

庚子嘗稻日奉壽伯兄四十初度

時方多難獨傾身兩弟深漸大被恩在昔家猶稱具
友只今兄已是嚴君山田獲稻嘗先寢嘉客稱樽到

魏叔子詩集

卷七 七律

二

石門自此追隨還四十頻來拊背問寒溫

司馬伯康年八十溫公事之如父天稍涼嘗拊背
問曰得無寒乎

賦得老驥伏櫪志在千里

鹽車之下生于里華屋之中歎九龍自古窮途能復
爾亦知得志難爲終毛間蟲食李天下酒後歌悲漢
沛公但看老驕垂絕日手持愛子泣深宮

甲叔云昭烈臨終慷慨戒子曹瞞將成泣涕托兒
乃知帝王自有真也

別胡心仲歸寇石

逢君況是中秋近歸去如何不肯遲相送疎林日落

處已愁峰頂月明時每一見來真有得卽今別後定
無詩寄語東巖林處士酒酣莫憶魏無知

庚子九日懷彭躬庵

長朋去後空佳日況值高秋心易孤前月有書還冠
石祇今傳汝尚鄱湖貧當陶令猶餘菊悵望湘君未
有夫我亦杖藜峰頂立瀟瀟風雨滿平蕪

秋望廻文

峰高盡處立秋清久望空愁有客行虹臥半橋斜隔
水鳥飛雙鬪遠依城春聞薄莫村烟斷唱罷歸樵山
魏叔子詩集 卷七 七律 三
月明筇杖自來還復去東溪老對獨亭亭

西閣懷季弟

流水平池日日閒開門到眼卽青山雖無旨酒庶幾
飲每有良朋況也歎深谷來春生細草遠天歸翼動
寒澗梅花欲放不全放留得一枝待汝還

李少賤自嶽中見問口占代柬

前月中秋日欲夕微風罷浴飲茶多不當愛月坐深
露遂使經旬抱小痾草屋秋陰交大對竹窗疎雨動
衰荷兩山只恨無雲棧與汝狂來一和歌

李孟遷雪中見過云以醫游寧化遂謁李元仲
二月春花生太息十年多病只蹉跎亦知宰相終難
作自恨方書集未多似汝不會勞雨雪有人聞已老
松蘿欲擔簦笠隨行李莊孟相逢可奈何

送友人之秦步林確齋韻

王子獨身出家門綿水邂逅逢李君八九千里爲行
客二三月花開江村瑣瑣餘子融兼紀碌碌諸邱衛
與陳此去直上華山望東西南北更何人

艾煥要

魏叔子詩集

卷七 七律

四

十年抱病只深山簡得方書種藥闌會起沈疴甘氣
惡肯辭束縛任身閒鍼縫已沒青絲綫汗下還添白
布欄莫怪盈嬰初服改須知此物卽幽蘭

辛丑五月寓新城塔下寺奉懷沈仲連先生在

肝

鬱孤誰望舊時春

崇禎辛巳先生司理贛州同諸子賦鬱孤臺春望詩

短屋寒

燈對石門一自故人爲遠客纔知夫子正長貧新城
對色全消雨古寺鐘聲半入雲欲到麻姑山下問蓮
花幕府隔江蘋

賊平後經頭陂墟市

秋艸秋花滿野田
平林盡處有炊爐
輕裝已出荻苻
澤長路初逢蒹葭
天鵝鴨籠中喧
白瀨兒童對下敷
青錢家家茅屋無
門戶結伴還過隔
嶺眠

昔健齋歸了溪索白桃對秧詩以贈之

白桃之對深山春
春晝山庭自閉門
冠石以來四五

歲

種自冠石移至

梨花欲似兩三分
疏泥布核長經手
截竹

藏根短趂身但向
了溪溪上種不教
花片誤漁人

壬寅春日奉送伯兄北行

魏叔子詩集

卷七

七律

五

弟自海南初息駕
兄從冀北始行車
經時執手臨岐
路正月開花別故
廬燕市酒徒今尚
在都人臺笠近
何如却愁南北連
烽火日極秋鴻憶
報書

同彭躬庵江上逢杜美吾烹魚見食

杜陝西人住河南

廿年長臥翠微峰
偶爾與君江上逢
早雨欲來村鼓
急高灘初下晚煙
空秦關久已稱天
府洛內今誰識
土中汝會烹魚能
大嚼釜鬻曾有幾
人同

壬寅六月初七日酷熱寓樟對通慧寺薄夜微

雨天涼睡美夢同伯季數人行縣市俄見數

騎來與人馬上左右拱手云是外國朝貢人
前二騎皆重冠故制形容甚偉季子曰盛觀
哉不可無詩余喜甚而悲不自持掩面大哭
失聲連床友人急呼余既醒氣上不能語攬
衣興席而作此詩

古對蕭條倚巨洲長江盡日只東流三分大業餘荒

寺

寺傳是三國時建

一夜涼風到竹樓有客夢中看白馬都

人方外識黃裘披衣獨向空庭立宿霧山山總未收

立秋日南州寄內

魏叔子詩集

卷七 七律

六

風雨同巢未肯孤多卿勸我適江湖何當馬鳥安男
子自笑牛衣不丈夫極浦壘波秋澹蕩故山雲木夜
蕭疎遙憐思婦空閨裏最是梧桐落葉初

於廣潤門市桃僉之而甘憶勾庭桃熟却寄舍

弟

買得沙桃色似銀寒泉素碗齒牙新齧根久誦鷄鳴
句殺士誰吟梁父人客舍暑風如坐甌山庭荷葉正
當門池邊嘉實今應熟却與秋猿一半分

會民門納涼一首

壬寅立秋日感
所見別有注

長嘯晚風倚郭門
膽黃抄白總橫陳
定知王猛非秦相
纔識李陵是漢臣
木葉乍聞秋已怨
家書欲寄語難真
可憐啼鴉先芳艸
天地無容置此身

登五老峰

西控荆蠻南控吳
諸峰霄上托層圖
元黃半合江湖水
髻履雙浮大小孤
往日不堪多謬誤
臨風長自笑頭顱
最憐星子城邊對
行列分明似藝蔬

寒泉精舍懷石公兼酬元韻

在五老之陰

萬仞危峰勢接天
高頭處處有川源
老僧縣竹通香

魏叔子詩集

卷七 七律

七

積山鳥隨人啄菜園
谿澗可登移客坐
清寒如汝立吾前
自慚補闕傳茶論
孤負匡廬第一泉

余性不飲茶石公送

行詩有此行定酌匡廬瀑試問何如石鼓泉之句陸羽品泉以匡山谷簾泉爲天下第一

赭山

江流千里盡黃塵
南望赭山白晝昏
煙草初逢八月
莫行人空憶五朝身
野蒲當日專秦政
深室何年見衛臣
翻羨洛陽行酒處
抱頭猶哭故時君

登雨花臺恭望

生平四十老柴荆
此日麻鞋拜故京
誰使山河全破

碎可堪翦伐到園陵牛羊踐履多新草冠蓋從容半
舊卿歌泣不成天已莫悲風日夜起江聲

高郵九日奉懷伯兄將自燕都出塞

高郵雄鎮控南淮野水蒼茫沒草萊獨立自憐雲物
好隔船遙見菊花開燕山秋色餘金狄塞上悲風接
玉階天地到今誰涕下幽州此日莫登臺

寄內

久客真冷骨肉親長干誰是授衣人愁知雙雁雲中

叫又早孤帆江外分

時躬庵確齋留
楊州予獨之淮

夾路芙蓉連水

魏叔子詩集

卷七 七律

八

色西亭桂子一山聞重陽此日無風雨爲想深閨亦

閉門

寄舍弟和公兼憶諸子傑微

知汝只在孤峰住日日登臨見遠臯新豆初升嘗祖

妣

俗於九
日薦豆

故寇再拜領兒曹還家有夢音書斷極目

無山天水高惆悵不須人送酒蘆聲猶帶廣陵濤

白馬湖寄李咸齋彭中叔

邵伯湖連白馬湖田村洲對散鷗魚都無山色空平

遠直有煙光接太虛浮客身知同傳舍勞生道可在

舟車思君高坐秋峰裏細看清泉引石渠

淮陰寄門人賴韋兼酬諸生

聞說淮東形勢地三城萬瓦夾江濱小山賦後誰招
隱漂母祠前早閉門日月苦消行路客籃輿長憶執
經人淡秋木葉知多少掃逕相遲薜荔村

漂母祠寄葉外兄

後有鄧侯前有毋王孫從此上青雲伏兵忍滅無辜
士進食能留不歿身相國終須慚老婦舊恩翻合感
今人閒中憶汝平生事多少塵埃欲報君

魏叔子詩集

卷七 七律

九

韓淮陰侯釣臺

欲問韓侯垂釣處荒臺遺碣在通都能酬一飯真君
子不報睚眦大丈夫坐待鳴鐘烹走狗終教雌雉滅
諸雛淮流千載猶鳴咽祇是將軍歿不辜

咸齋云三四於詩雖非高調然議論精確可署淮
陰廟聯

躬庵云坐待終教四字是良史筆法
斷得淮陰心
从高帝齒酸

其二

韓侯能貴子陵隱兩漢爭傳兩釣臺雲夢旣囚甘斧
質富春終去臥蒿萊成功不處嫌疑地長傲須知歎

禍階何事舞陽迎道弄狂言大笑出門來

弟云詩以議論傷其風格然未四語可作淮陰論斷

劉峻度邀同林確齋邗溝放船登述樓故邱時

秋水大漲

邗江風物動高秋出郭還同陶謝游溪水半淹芳草
路柳門平泛木蘭舟天空極目惟殘照客老狂歌有
傲裘復檻層樓何處是翩翩寒鳥下荒邱

酬陳集生

芒屨傲葛到西陵邂逅梁溪詩酒生軍檄甫成全愈

魏叔子詩集

卷七 七律

一

病胡琴未碎久知名風吹湖水新羈旅日落吳山舊
帝城那更誦君頭白句夜來心緒已懸旌

宿陸梯霞小齋

兩年擊楫渡龍江屐履誰當更擅場已見愛兄同趙

壁豈徒過父似貞王

兄兩京蒙難以梯霞營救得不死

一燈影落庭

如水四壁蟲鳴夏欲霜惆悵桑陰人未遠終宵反側

臥匡牀

贈陳貞倩

短袖科頭揖未曾從來小禮近虛名修期退賦兼能

賦子厚爲儒已論兵似我眼中人未老憐君髀裏肉
還生嚴裝好向屠沽處醜酒班荆話洛城

貞倩專闢河南時所

游多豪俊士故及之

靈岩懷古

獨倚斜陽望翠微讓王陵說此峰西四方爭戰何年
息萬古高情後世疑樵采未能希柳下行人無處識
松枝可憐簫鼓村村急齊賽前林五顯祠

靈岩禁石神稱秦伯

墓在山側欲往拜無有知者

太湖波濶洞庭秋少伯曾聞此汎舟白水誓疑師子

魏叔子詩集

卷七

七律

七

犯赤松游已教留侯山空落月鳴寒鼓天外悲風動
客愁縱使當年同賜劍何如石室共包羞

納妾酬朱靜庵

十年抱子計全疎夢語憑君占已符令女昔曾傳絡
秀名山今又俯麻姑

妾姓李氏南城人

風開桂子秋庭晚雨

綴櫻桃春對初他日翠微湯餅會此功那得說卿無

新城九日寄內

藕花初放別荆扉又是黃花欲放時細雨侵階秋草
綠空山無伴夜烏飛歌聞肅肅宵征句

時余方納妾

慰汝

雍雍抱子詩 王寅余卜妾江南內人送行詩有願言得抱子雍雍歸故鄉之句 此日不知還健否看花曾一到南池

庚戌九月雨後重登燕子磯見伯季舊題悵然

有懷

怪石孤亭立太虛江山無恙獨愁予不知故國幾男

子剩有乾坤一腐儒東壁數行留雁字西湖八月斷

魚書 時伯季在浙 重陽最是多風雨兩地登臨總未殊

題藥地大師雨花臺望鍾山圖贈趙少尹

憶昔登臺遙望拜空山紫氣尚葱葱 時陵樹翦伐已盡 已勞

魏奴子詩集 卷七 七律 十一

下士三年夢竟寫高人尺幅中破格古來推 聖祖

奇才今又屈馮公 洪武中南豐尉馮堅上書稱旨立擢都御史 滄江直下

烽烟隔安得乘流一向東

見龍夫人八音體詩喜而和韻爲山居之作

金精峯外白雲低石徑苔痕印鹿蹄絛裊晴空風斷

續竹敲清夜雨離逃匏瓜吾已同芻狗土室人今似

木鷄韋韜何曾來熟客木香花下有新題 木鷄字犯題重出以

屬對芻狗稱工遂仍之

附錄○夫人姓賀氏永新孝廉科寶之毋也題云雪中念科兒長安公車之苦因作八音體以

思之詩曰金鞍續夢月初低石路霜濃滑馬蹄
絲冷輕裘風面面竹圍古寺霧迷迷飽樽注酒
分僮僕土屋開扉見犬鷄革去寒威春到眼木
樨詩向杏花題按夫人此題共二十首客僅傳
其一
云

酬王又逸做藥地大師金精翠微圖見贈之作

誰識翠微真面目居然寫入畫圖中高僧草閣他時
見處士寒窗今又逢一石當空懸日月千山飛瀑動
蛟龍知君親入巨然室落紙雲爐自不同
又逸學西
于藥地

客廬陵山中懷伯兄在廣東季弟在贛

嶺南嶺北多烽火六月誰通一紙書龜角無人敢逐

魏叔子詩集

卷七 七律

三

鹿羊城有將解騎豬獨逢客舍寒梅放共憶天涯大
被虛最是難真消息處光陰又早徧年除

雪中寄世傑

西閣梅花放幾枝應逢凍雪壓前墀愁予客路無聊
處憶爾寒窗獨立時朝夕過庭諸父遠烽烟滿眼報
書遲且尋濠泗真人傳草問當今江漢詩

東宋牧仲員外

秋晚尋醫過贛江使君遲我讀書堂風吹北院清歌

隔時副使者雨灑東窗夜語長蘭簿交新渾似故櫓
清歌夜宴

盤坐久不聞香最憐出語關民瘼手把醇醪未忍嘗
拜楊文正公墓 有序

清江楊文正公廷麟以丙戌殉義贛州遼東賈將
軍收葬之事詳崇禎 御書記往禱求公葬處不

獲已未九月就醫泰和過贛得從賈公子尋公墓
而拜之因遂有詩蓋其家人十年無至者矣墓臨

西河上規制甚微在楊梅渡灘兒下楊秀亭 卽康大靈

王廟右百步有碑

荒塚斜陽亂草青布衣此日拜門生長年魄戀忠誠

魏叔子詩集

卷七 七律

十四

府亙古神依箕尾星兩岍蓼花紅有淚一江秋水澹
無聲孤魂最是難聽處盍且枝頭徹夜鳴

魏叔子詩集卷之八

五七言絕

寧都魏禧冰叔著

男 世侃直士編次

門人歐陽士杰遜萬較

己亥七夕

庭宇虛無人涼風吹獨夜寥寥星漢明肅肅梧桐下
石牀云絕不言其所以然而躍然言下絕調也

鵲暑故毛希新毛秋未長毛落不成橋隔河空佇望

魏叔子詩集

卷八 五七言絕

一

弟云意新語古比興深妙

大夏不相留蟪蛄歎廣澤莫言會面難一歲一來即

邦士云於章法中作一折自好

東家有寡女未嫁天三夫曾許一夫嫁不知今在無

弟云哀音奇語苦境深情

恆愁不見君相見益愁思却羨月中人于年貞不字

兄云翻猶勝 婦娥不嫁人語更有味

弟云只是西廂到不如義斷恩絕意却說得妙怨
望最深。五首自道情事苦節堅響于古今七夕

詩別開一格

山猿 八首

日日山猿來羣呼度木杪小猿扼老腹捷於兩飛鳥
我倚曲闌前山猿對我嬉足躡桐樹根手弄荔支子
桃花山荔支秋至一齊實赤似夏中榴黃如霜後橘
我昔行山中山猿望我走如今覩朶頤不畏口戕口
長桃露未晞乘露呼童采人在樹頭立猿行樹下待
山中日逐猿旋去旋來卽我但控拳呼虛聲亦何益
梧桐垂屋陰桃子枝相屬汝但食吾桃無當敗我屋
桃子落高枝老猿向地覓得桃不自噉持與小猿食
賦得老驥伏櫪志在千里 四首

魏叔子詩集

卷八 五七言絕

二

有客自來言能觀黃驪色驂騑在廡中三過不相識

賢儒徇已往華士誇將然千里果何爲空聞年復年

中叔云處士虛聲久矣上者如武侯比管樂鄰族
枕天子膝夫言果驗次如樊英神放之徒上下失
望下則王半山秦繆醜欲作宰相矣未可輕以皮
相詆人

駑馬駕鹽車終朝不百里但向車下生寧伏櫪中死

中叔云龐士元蔣公琰不治百里蕭何謂韓信雖
爲將必不留是也

傳說穆天子西行到弱水王良執左綬觀汝日千里

中叔云淮陰登壇諸葛就聘空談寔用有日盡觀
矣寧伏櫪中死開終南捷徑如許
弟云四詩凡四折開合相生古意可味

題畫竹二首

根傍石爲骨枝因風作姿吾家有道士鸞媚正同時
葉重不垂地石空疑出烟還將葉上雨滴作石根泉

丙午三月十一早夢伯兄蘭花數枝甚高大鑽

置房中而無水余爲插洗筆池內寫詩于案

云

幽谷自多水空房今病渴可憐漢司馬不見秦時月

卽事

幽林初上月斜照曲闌于雨歇蕉猶響夜深山欲寒

魏叔二詩集

卷八 五七言絕

三

晨起過兄山閣不值留題

朝日明清林竹烟散石戶主人愛早起曳杖何處去

春夜

春陰莫莫散庭柯近水偏知寒氣多最是離人能不

寐東鄰夜夜叫羣鵝

竹枝辭

曲曲花陰一逕通綠牕深處有輕風坐來細雨疑人

至荔子牆頭落粉紅

竹牕文几淨無塵欲寫新詩且避人難字記來無覓

處笑將詩草問郎君

燕尾斜飛雙翠鬢
花塵風漾拂春山
偏嫌翠鳥留泥
印坐看丫頭洗畫闌

白石闌干紫石屏
愛郎詩好背郎聽
于中讀到烏啼
曲淚落羅衫聽不成

同內子看梅

風微日靜自山家
晝掩柴門向石崖
錯把杖頭高拂
樹吹來兩鬢盡梅花

和韵詩

魏叔子詩集

卷八 五七言絕

四

怪說秋天不肯明
攬衣永夜動雞聲
中原處處聞烽
火得似深燈此一庭

賦得老驥伏櫪志在千里

一自歸休十二閑
秋風不上燕然山
長年燕市無人

問却使千金買骨還

中叔云漢文帝拊髀而思頗牧宋理宗側席以褒程朱古今買骨類此

金精七絕句

有女獨居空谷裏
谿頭無雨亦生雲
寒梅銷盡三冬
雪自有春風到石門

聞來日日浣紗津
朝向吳門夜越門
寂寞寒山一片石
何如家在芴蘿村

待得佳期啓石關
金牀玉枕雜烟鬟
却聞車馬空歸去
怪煞十年枉住山

老女長年不得嫁
辭家獨自傍寒崖
春風每向山頭立
不見何人車馬來

人間定有黃金屋
天上遙開白玉堂
此日合將宮裏去
神仙還自住椒房

車馬不來芝草死
終朝飢餓坐寒谿
早知人事多乖

魏叔子詩集

卷入五七言絕

五

悞悔著山中
薜荔衣

仙女原來天上住
偶然遺跡在人間
縱令閨闔無雲路
不逐吳宮車馬還

同日公過萬松坪

水石廻環欲亂雲
萬株松木路中分
離家一里三迷路
纔識山僧不出門

送友人歸黃山

送君歸住白雲間
三十六峯任往還
好傍當時遺劍處
年年風雨哭煤山

靈岩雜詠

靈岩高峙太湖東一望金銀映碧空多少禪房花竹裏游人還說館娃宮

八月秋風動地來法堂雙桂正花開人間自合無根蒂直得靈山頂上栽法堂前有古桂二株扶疎苑蔭獨憇樹下悲感欲絕

采雲初日樹朦朧複殿迴廊闕曉風老衲也知興廢事館娃宮裏自鳴鐘

千山落日寒雲夾道松風亂石門響屨廊邊秋草

綠空餘花色似羅裙響屨廊一帶開剪秋羅花甚盛

魏叔子詩集

卷八 五七言絕

六

琴臺如髻繞烟鬟學得新聲手自彈七十二峯看不盡烟波純浸洞庭山西施琴臺縱望太湖湖中有七十二峯最勝者東西洞庭山

新宮十里隔花山采得鮮花行路難箭涇河開飛漿

到梳妝臺上掠雲鬟吳王開箭涇河于花山采花為西施助妝有梳妝臺

野草荒臺秋復春至今遺恨浣紗人應知越女傾吳

國不比楊花覆白蘋後人每以西施太真並稱余謂西施越女有復仇之義與古今

女寵亾人

國者不同

絕世佳人烟作身行來應不動香塵遺蹤那得深如

許石上青苔憎殺人道衡石有西施脚印甚可憎

吳江東下日悠悠稻蟹蕭條未有秋宮舍五千曾不

厭還將芥子盪龍舟館娃宮凡爲舍五千四十八區又以芥子滿壑中競龍舟爲戲

松杉斜映洞門邊曾此住人枕石眠却合山僧禪定

後舉頭剛對太湖烟西施洞圓廣丈許面太湖今山僧坐禪於此

靈岩值徐昭法孝廉合子解衣贈之口占一絕

凍竄不穿趙氏衣尊公嚴冷久相知過庭他日如相

問只道斯人住翠微昭法非義不食非其人不食常絕糧有饋米數石至門者峻却

之

癸卯十一月客舍題壁

魏叔子詩集 卷八 五七言絕 七

珍重天涯一敝裘寒霜如雪壓行舟囊中剩有江湖

氣歸卧西山百尺樓

真州侯船

三月春花溪水頭却逢冬盡客真州江邊時見歸颿

去日莫天寒獨倚樓

二十六年不得江思禹信忽自杉陽訪予喜成

絕句

桂子懷丹秋未寒故人白袷赤纓冠相逢未暇便相

揖執手牽衣仔細看

壽族母六十

夜夜烏啼伴此身那知竹實已垂門佳兒自愛三春
日壽母真爲萬曆人

和壽昌梅公石硤停舟

君已心同不繫船爲誰植權向江邊蘆花明月無人
渡露濕青衫臥碧天

催妝詩爲黃大宗迎李姬賦

寶鏡明明白玉臺烟鬟初整下花堦今朝定擬行雲
至不待安東避雨來

魏叔子詩集

卷之八

五七言絕八

躬庵云雲雨字雅切

送袁重其歸吳門

辛勤營葬出吳門可有麥舟逢故人歸去正當花落
後好教春燕共成墳

兄歸曰占寄內

一雁南飛一雁留緘書和淚寄春愁傷心爲憶鳩啼
處春雨春晴芳草洲

躬庵云暗用鳩婦無跡

時發吳門送人歸休寧稱母觴

君向黃山我翠微丹楓白雁布帆遲羨君載得惠山
酒獨上高堂獻一卮

躬庵云羨字獨字有有母獨無之意悲而深故自
無跡

舟泊儀真夢中忽得絕句

十五盈盈未嫁時香肩雙鞞髮新齊西湖堤上鶯初
晚楊柳千絲復萬絲

爲迴龍庵僧募鐘

有序

石壁迴龍庵在萬山中山僧以耕鑿之餘手剪荆
棘獨建此有鼓而無鐘余避兵是庵丁已鼓春大
魏叔子詩集

卷之八五七絕

九

雪與山僧煨榾柮因以爲請庵面翠屏高樹萬章
左右岡環抱流泉出其腋而當泰和廬陵永新諸
鄉之道晨暮鐘聲鏗然隨山壑轉往復行人耳中
足發深省抑亦可爲孤行之助夫佛像必左鐘右
鼓以此奉神兼有福德敢爲諸善人倡之詩曰
蒼山千曲白雲封古來寒泉面面逢不盡嬾殘煨芋
火只輸香積一聲鐘

容閒無事近體忽腴數日之間復大瘦生聞鳩
悵然用寄所思

蒲楊枝弱不勝衣盡道春來綠已肥何事鶉鳩啼最
苦鄉心一夜減腰圍

贈謝子實

手提藥裹歸山去一路寒梅盡放花莫說腰纏無長
物籠中饒有活丹砂

子實客中好
結友故云

桃花庵卽事

一陣香風簇馬蹄紛紛蝴蝶斷橋西眼中結習何時
盡天女飛花不着衣

春日卽事

魏叔子詩集

卷之八 五七絕

十

棕鞋茶杖笋皮冠落日春風生暮寒竹裏桃花花外
柳一池新水浸闌干

題畫秋葵海棠

天淨風微日正中秋葵花倚海棠紅那因聲色銷忠
義試看當年郭令公

送陸亦樵游廬山時余亦南下

千頃波平趁曉風匡廬倒影入湖中低頭忽見振衣
客恰在五峯第一峯

蕪湖塔題壁

萬家烟火倚江東
赤縣神州此大風
獨上浮屠高處
望令人空憶沈崑銅

魏叔子詩集

卷之人五七絕

十一

系教史



506